

40


*Hadith
Berkenaan*

*Ibadat
Harta*

Abdullaah Jalil


Pensyarah Kanan, Fakulti Ekonomi dan Muamalat,
USIM.

WISDOM
PUBLICATION



40 Hadith Berkenaan Ibadat Harta

الْأَرْبَعُونَ فِي الْعِبَادَاتِ الْمَالِيَّةِ



40 Hadith Berkenaan Ibadat Harta

الْأَرْبَعُونَ فِي الْعِبَادَاتِ الْمَالِيَّةِ

Oleh:

Abdullaah Jalil

Pensyarah Kanan, Fakulti Ekonomi dan Muamalat (FEM),

Universiti Sains Islam Malaysia (USIM)

WISDOM
PUBLICATION



WISDOM PUBLICATION NS0078217-W
No. 110, Jalan Dillenia 3, Laman Dillenia,
Nilai Impian,
Nilai, Negeri Sembilan.
Tel: 06-794 6394
Email: wisdompublisher@gmail.com
FB Page: Wisdom Publication
Reka Bentuk: Starline/Freepik & Public Domain

Hak Cipta Terpelihara © 2018 Wisdom Publication

Edisi Pertama
Cetakan Pertama: 28 Mei 2018
Cetakan ini: 24 April 2019

[Edisi Khas bagi pengajaran Fiqh Muamalat 1 dan Fiqh Muamalat 2, Fakulti Ekonomi dan Muamat, USIM dengan kerjasama Unit Khazanah Ilmu Turath, USIM]

Tidak dibenarkan mengeluar ulang mana-mana bahagian artikel, ilustrasi dan isi kandungan buku ini dalam apa juga bentuk dengan apa jua cara sama ada secara elektronik, fotokopi, mekanik, rakaman atau cara lain sebelum mendapat izin bertulis daripada Wisdom Publication (NS0078217-W) atau penulis.

DEDIKASI

Buat ayahanda Hj. Jalil Bin Omar dan ibunda Hapisah Binti Ismail,

Juga buat isteri yang dikasihi: Suraiya Binti Hj Osman
Dan anak-anak yang disayangi: Abdurrahman al-Munib, Maryam
al-Safiyyah, Sara al-Ameena, Ibtisam al-Nafeesa & Muhammad al-
Habib

Serta seluruh ahli keluarga

Semoga Allah menjadikan tempat pertemuan kita di syurgaNya
bersama KekasihNya

LATAR BELAKANG PENULIS

Nama	Abdullaah Jalil
Jawatan	Pensyarah Kanan, Fakulti Ekonomi dan Muamalat, Universiti Sains Islam Malaysia (USIM), Bandar Baru Nilai, 71800 Nilai, Negeri Sembilan.
Latar Belakang Pendidikan	<ul style="list-style-type: none"> • 1993-1995: Sekolah Menengah Agama Kerajaan Johor, Kluang. PMR & SRA (<i>Mumtāz</i>) • 1996-1997: Kolej Islam Sultan Alam Shah. SPM & SKK (<i>Mumtāz</i>). • 2001: Sarjana Muda Shariah (Fiqh dan Pengajian Islam), Universiti Yarmouk, Irbid, Jordan. (Kelas Pertama / <i>Mumtāz</i>). • 2004: MBA (Perbankan dan Kewangan Islam), Universiti Islam Antarabangsa Malaysia, Gombak. – (Anugerah Pelajar Terbaik Program). • 2019: PhD Kewangan Islam, INCEIF, Kuala Lumpur.
Industri (Terpilih)	<ul style="list-style-type: none"> • Pengerusi JK Syariah Prudential BSN Takaful • AJK Syariah, Bank Rakyat • AJK Syariah, Koperasi Kakitangan USIM • Ahli Jawatankuasa Panel Syariah USIM • Ahli Panel Penyelidik Fatwa Negeri Sembilan • Ahli Panel Syariah bagi Sistem Pengurusan Berasaskan Syariah MS1900:2014 di USIM • Panel Kepakaran bagi penyusunan Standard Program: Muamalat dan Kewangan Islam (MQA) • Ahli Jawatankuasa Penasihat Syariah dan Pemasaran Wakaf USIM • Anugerah “Friends of the Police” 2012

	<ul style="list-style-type: none"> • Ahli Panel Deradikalasasi, Kementerian Dalam Negeri (KDN) [Tarikh lantikan: 21 April 2017] • Pakar Rujuk Bagi Kes-kes Keganasan Yang Disiasat Di Bawah Akta Kesalahan Keselamatan (Langkah-langkah Khas) 2012 (KDN) [Tarikh lantikan: 13 Disember 2018]
Bidang Kepakaran dan Kajian	<ul style="list-style-type: none"> • Fiqh Muamalat dan Aplikasinya • Urustadbir & Kepatuhan Shariah • Perbankan, Kewangan dan Ekonomi Islam • Pengurusan Masjid • Wakaf Korporat • Perancangan Kewangan dan Pengurusan Harta • Ahli Sunnah dan Jamaah • Deradikalasasi & “Counter-Terrorism”
Hasil Penulisan (Buku)	<ol style="list-style-type: none"> 1. (2011) The Four Introductory Theories of Fiqh Muamalat 2. (2012) Pengurusan Kewangan Masjid: Model Imarah Masjid 3. (2013) 40 Hadith Pengurusan Harta dan Perancangan Kewangan 4. (2013) Menjawab Persoalan Agama: Konsep al-Tark dan Perkara Baru dan Baik dari Perspektif Shariat. [Siri Memperbaiki Kefahaman Agama] 5. (2013) Natijah Fikir dan 40 Hadith Kelebihan Zikir 6. (2013) Pengajian Halaqah UTH3012: Program Pensiswazahan Guru 7. (2013) Cahaya-Cahaya Sunnah Yang Khusus Berkenaan Kelebihan Selawat Ke Atas Nabi

Yang Terpilih ﴿ Abdullaah Jalil, Terjemah).

8. (2013;2016) *Nusūs Turāthiyyah: Dirāsah Manhajiyah* (Subjek *al-Halaqah*).
9. (2014) The Four Main Contracts of Fiqh Muamalat.
10. (2014) Fiqh and Management of Hajj and Umrah
11. (2014) Arabic-English Terminology for Special Purposes in Management Studies
- 12.(2015) Miftah al-Muamalat: The Gateway to Business
- 13.(2016) 40 Hadith Puasa dan Ramadan: Dengan Nota Ringkas Fiqh Mazhab al-Shafi'i dan Fiqh Perbandingan
- 14.(2016) Sosial Sekuriti (Takaful Ijtima'i) Menurut Perspektif Islam
15. (2017) Quranic Index for Medical Sciences
- 16.(2017) Quranic Index for Economics, Business and Management
- 17.(2017) 40 Hadith Berkennaan Ketegasan Pengharaman Riba (Dengan Ulasan dan Edit) (Abdullaah Jalil, Trans.).
18. (2018) 40 Hadith Berkennaan Ibadat Harta.
- 19.(2018) Islamic Law of Tort.
20. (2019) 50 Hadith Utama Berkennaan Kepentingan dan Kelebihan Zikrullah.
- 21.(2019) Natijah Fikir & Mutiara Nabawi Berkennaan Majlis Zikir.

ISI KANDUNGAN

DEDIKASI	i
LATAR BELAKANG PENULIS.....	ii
ISI KANDUNGAN	v
PENDAHULUAN.....	1
﴿ 40 HADITH BERKENAAN IBADAT HARTA ﴾	4
Hadith 1: al-Qur'an dan Harta adalah Dua Pintu dan Peluang Ibadat Yang Besar.....	4
1.1 Harta dan Hikmah (Ilmu/al-Qur'an) adalah Dua Pintu dan Peluang Ibadat Yang Besar	5
Hadith 2: Ibadat Harta adalah Kelebihan Kurniaan Allah kepada Seseorang.....	6
Hadith 3: Harta Yang Baik Bersama Orang Yang Baik	8
Hadith 4: <i>al-Yad al-‘Ulyā</i> (Tangan Yang Memberi) Lebih Baik Daripada <i>al-Yad al-Suflā</i> (Tangan Yang Menerima)	9
﴿ IBADAT HARTA YANG WAJIB﴾	10
Hadith 5: Nafkah Bagi Diri Sendiri	10
5.1 Mulakan Dengan Diri Sendiri	11
5.2 Mulakan Dengan Keperluan Diri Sendiri.....	12
Hadith 6: Nafkah Bagi Isteri.....	14
6.1 Nafkah Bagi Ahli Keluarga adalah Sedekah (1)	15
6.2 Nafkah Bagi Keluarga adalah Sedekah (2).....	15
Hadith 7: Nafkah Bagi Anak	16
7.1 Riwayat Abu Dawud: Nafkah Anak Diutamakan Nafkah Isteri..	17

7.2: Allah Mewajibkan Syurga kepada Seorang Ibu Miskin Dengan Sebiji Tamar Yang Dikorbankan Buat Anak-anaknya	18
7.3: Kelebihan Nafkah Anak Perempuan	20
Hadith 8: Nafkah Kepada Ibu Bapa.....	21
Hadith 9: Membayar Hutang	22
9.1 Kewajipan Membayar Hutang dan Nafkah	22
9.2 Membayar Semula Hutang Dengan Lebih Baik.....	23
Hadith 10: Kewajipan Zakat Harta.....	24
10.1 Azab Kerana Tidak Membayar Zakat.....	25
10.2 Memelihara Harta Dengan Berzakat.....	26
Hadith 11: Kewajipan Zakat Badan (Fitrah)	27
Hadith 12: Perbelanjaan bagi Haji Digandakan Sebanyak Tujuh Ratus (700) Kali Ganda	31
12.1: Umrah Menghapuskan Dosa & Ganjaran Haji Yang <i>Mabrur</i> adalah Syurga	31
《IBADAT HARTA YANG SUNAT》	32
Hadith 13: “Jalan Allah”	32
Hadith 14: Membantu Kaum Kerabat dan Dhawi al-Arham Yang Miskin	33
Hadith 15: Memuliakan dan Membantu Jiran	34
15.1 Jangan Meremehkan / Memandang Kecil Pemberian Dari Jiran	35
Hadith 16: Memuliakan Tetamu.....	36
Hadith 17: Menyembelih Binatang Sebagai Korban (‘ <i>Aqīqah</i> dan lain-lain)	37

Hadith 18: Membaiyai Penuntut Ilmu.....	38
Hadith 19: Memelihara Anak Yatim	39
19.1 Kemuliaan Rumah Yang Mempunyai Anak Yatim Yang Dilayan Dengan Baik	40
Hadith 20: Janda dan Ibu Tunggal	41
Hadith 21: Sedekah kepada Orang-orang Miskin dan Faqir serta Berhajat	42
21.1 Sedekah Memadam Kepanasan Kubur dan Menjadi Perlindungan/ Naungan Pada Hari Kiamat.....	43
Hadith 22: <i>Manihah</i> Unta, Lembu dan Kambing	44
22.1 <i>Manihah</i> adalah Amalan Yang Paling Tinggi Dari Empat Puluh (40) Amalan Kebaikan	45
Hadith 23: Memberi Pinjaman/Hutang Dan Memberi Penghutang <i>Mu'sir</i> Penangguhan atau <i>Ibrā'</i>	46
23.1 Kelebihan Memanjangkan Tempoh dan Menangguhkan Tarikh Pembayaran Bagi Penghutang Yang Berada di dalam Kesusahan (<i>Mu'sir</i>) atau Menghalalkannya	47
23.2 Orang Yang Menangguhkan Penghutang <i>Mu'sir</i> Mendapat Pahala Sedekah	48
Hadith 24: Memberi Hadiah atau Hibah	49
24.1 Hadiah Dapat Memupuk Kasih Sayang.....	49
Hadith 25: Sedekah Sebagai Hadiah Pahala Buat Seseorang Muslim Yang Telah Wafat	50
25.1 Sa'd Bin 'Ubādah ﷺ Mensedekahkan Kebunnya Bagi Ibunya Yang Telah Wafat	51

Hadith 26: Wakaf – Mengkekalkan Asas Harta dan Mengalirkan Manfaat dan Hasilnya.....	53
Hadith 27: Memberi Minum atau Air adalah Sedekah Yang Terbaik.....	56
27.1 Memberi Minum Seorang Muslim Yang Haus	56
Hadith 28: Memberi Makanan	57
28.1 Kelebihan Memberi Makanan dan Minuman	57
28.2 Memberi Makanan kepada Jiran Yang Memerlukan	58
28.3 Jamuan Makan Walimah	58
Hadith 29: Memberi Pakaian	59
29.1 Orang Yang Memberi Pakaian Berada di dalam Perlindungan Allah.....	60
Hadith 30: Membuat Kebajikan Sedekah Kepada Haiwan Yang Bernyawa	61
Hadith 31: Memerdekaan Hamba	62
﴿ TAKAFUL – BANTU-MEMBANTU DI DALAM KESUSAHAN ﴾	63
Hadith 32: Takāful Ijtimā ‘ī (Bantu-Membantu Sesama Masyarakat Yang Berada di dalam Kepayahan)	63
Hadith 33: Tanāhud (Berkongsi Nafkah Ketika Dalam Keadaan Susah)	66
﴿ IBADAT HARTA BERKAITAN PUSAKA DAN PEWARIS ﴾.....	68
Hadith 34: Bertabarru ‘ Melalui Wasiat.....	68
Hadith 35: Membahagikan Fara’id.....	69
Hadith 36: Meninggalkan Waris Dengan Bekalan Harta	70

﴿ IBADAT HARTA DAN HUKUMAN ﴾	72
Hadith 37: Kaffarah Sumpah (<i>Kaffārat al-Yamīn</i>) dan Nazar .	72
37.1 Kaffarah Nazar adalah Sama Seperti Kaffarah Sumpah	73
Hadith 38: Membayar <i>Kaffārah ‘Uzmā</i> Kerana Melanggar Larangan Bersetubuh Ketika Berpuasa Ramadan.....	74
38.1 Membayar <i>Kaffārah ‘Uzmā</i> Kerana Melanggar Larangan Bersetubuh Ketika Berpuasa Ramadan (B)	75
Hadith 39: Fidyah Puasa	78
Hadith 40: Qisas, Diyat Mughallazah dan Diyat	81
40.1 al-Qatl al-Khata‘: Diyah Mukhaffafah dan Kaffarah	82
40.2 al-Qatl Shibh al-‘Amd: Diyat Mughallazah dan Kaffarah	83
PENUTUP	85
IJAZAH PENGAJIAN KITAB	86
BIBLIOGRAFI	87
LAMPIRAN I: DOA [NAZAM] PENUTUP MAJLIS ILMU	91

PENDAHULUAN

بِسْمِ اللَّهِ الرَّحْمَنِ الرَّحِيمِ

Segala puji hanyalah bagi Allah, Tuhan yang mencipta, memiliki dan mentadbir seluruh alam. Selawat dan salam buat junjungan dan penghulu kita yang amat dikasihi lagi dihormati Rasulullah ﷺ - Saidina Muhammad Bin Abdullah – serta ahli keluarga dan para sahabat Baginda ﷺ, juga kepada seluruh para pengikut Baginda ﷺ sehingga Hari Kiamat.

Ibadah di dalam Islam adalah satu istilah yang luas dan merangkumi seluruh aspek kehidupan manusia. Ianya tidak hanya terhad kepada rukun Islam yang lima semata-mata. Ia merangkumi seluruh perbuatan seorang manusia, zahir dan batin, tubuh badan dan harta, kepada Allah, manusia dan seluruh makhluk, dalam semua keadaan, tempat dan masa.

Ibadah adalah salah satu daripada empat tujuan utama penciptaan manusia¹. Allah ﷺ berfirman (al-Dhariyat 51:56):

وَمَا خَلَقْتُ الْجِنَّةِ وَالْإِنْسَانَ إِلَّا لِيَعْبُدُونَ ٥٦

“Dan Aku tidak menciptakan jin dan manusia melainkan untuk mereka menyembah-Ku.”

¹ Empat tujuan utama penciptaan manusia adalah: (i) Ibadah, (ii) Khilafah, (iii) Ma’rifah dan (iv) ‘Imarah.

Allah ﷺ juga berfirman (al-An'am 6:162-163):

١٦٢ قُلْ إِنَّ صَلَاتِي وَنُسُكِي وَمَحْيَايَ وَمَمَاتِقَ لِلَّهِ رَبِّ الْعَالَمِينَ
١٦٣ لَا شَرِيكَ لَهُ، وَبِذَلِكَ أُمِرْتُ وَإِنَّا أَوَّلُ الْمُسْلِمِينَ

“Katakanlah: Sesungguhnya sembahyangku dan ibadatku, hidupku dan matiku, hanyalah untuk Allah Tuhan yang mentadbirkan sekalian alam [162] Tiadalah sekutu bagi-Nya, dan dengan yang demikian sahaja aku diperintahkan, dan aku adalah orang Islam yang awal pertama yang berserah diri kepada Allah [163].”

Secara umumnya, ibadah boleh dibahagikan seperti berikut:

Jenis	<ul style="list-style-type: none">Ibadah UmumIbadah Khusus
Tuntutan	<ul style="list-style-type: none">Ibadah WajibIbadah Sunat
Bentuk	<ul style="list-style-type: none">Ibadan BadanIbadah HatiIbadah Harta

Ibadah harta adalah salah satu dari cabang-cabang utama ibadah di dalam Islam. Terdapat begitu banyak nas-nas Shariat dari al-Qur'an dan al-Sunnah yang datang berkenaan tema ini. Seseorang yang dikurniakan harta sebenarnya mempunyai kelebihan yang besar dalam melakukan pelbagai jenis ibadah sekiranya dia menunaikan hak dan kewajipan berkaitan harta tersebut.

Di dalam membentangkan hadith-hadith berkaitan ibadah harta di dalam buku ini, penulis membahagikannya kepada lima (5) bahagian seperti berikut:

1. Ibadat harta yang wajib
2. Ibadat harta yang sunat
3. Takaful – Bantu Membantu Di Dalam Kesusahan
4. Ibadat Harta berkaitan Pusaka dan Pewaris
5. Ibadat Harta dan Hukuman

Semoga buku ini dapat membentuk sikap dan perspektif positif pembaca terhadap harta dan sentiasa melihatnya sebagai alat dan peluang untuk mencapai tujuan yang lebih besar di sisi Allah. Harta dari pandangan Islam bukanlah sebagai tujuan, tetapi ia adalah wasilah bagi melaksanakan bentuk-bentuk ibadah yang pelbagai.

Berikut adalah hadith-hadith yang berkaitan dengan ibadah harta di dalam Islam:

﴿ 40 HADITH BERKENAAN IBADAT HARTA ﴾

Hadith 1: al-Qur'an dan Harta adalah Dua Pintu dan Peluang Ibadat Yang Besar

عَنْ عَبْدِ اللَّهِ بْنِ عُمَرَ حَمِيلَعْنَهُ، عَنِ النَّبِيِّ ﷺ قَالَ:

((لَا حَسَدَ إِلَّا فِي اثْتَيْنِ: رَجُلٌ أَتَاهُ اللَّهُ الْقُرْآنَ، فَهُوَ يَقُولُ بِهِ، آنَاءَ اللَّيْلِ، وَآنَاءَ النَّهَارِ؛ وَرَجُلٌ أَتَاهُ اللَّهُ مَالًا، فَهُوَ يُنْفِقُهُ، آنَاءَ اللَّيْلِ، وَآنَاءَ النَّهَارِ))

Daripada 'Abdullah Ibn 'Umar حَمِيلَعْنَهُ, beliau meriwayatkan daripada Nabi ﷺ bahawa Baginda bersabda:

“Tidak boleh ada rasa dengki (cemburu) melainkan bagi dua orang manusia:

- (i) Seorang yang telah dikurniakan (ilmu & kefahaman) al-Qur'an oleh Allah ﷻ, dan dia berdiri dengannya pada waktu-waktu malam dan siang;
- (ii) Seorang yang dikurniakan oleh Allah ﷻ dengan (kekayaan) harta benda, dan dia menginfaqkannya (pada jalan-jalan kebaikan) pada waktu-waktu malam dan siang.”

T: (al-Bukhārī (256H), 1999 - Ṣaḥīḥ al-Bukhārī), No. 5025 & 7529; (Muslim (261H), - al-Jami' al-Sahih / Sahih Muslim), No. 817 [Lafaz di atas] & 818; (al-Tirmidhī (279H), - al-Jāmi' al-Kabīr (Sunan al-Tirmidhī)); (Ibn Mājah (273H), 2010 - Sunan Ibn Mājah); (Ahmad (241H), 1995 - al-Musnad) dan lain-lain.

1.1 Harta dan Hikmah (Ilmu/al-Qur'an) adalah Dua Pintu dan Peluang Ibadat Yang Besar

عَنْ عَبْدِ اللَّهِ بْنِ مَسْعُودٍ قَالَ: قَالَ النَّبِيُّ ﷺ :

((لَا حَسَدَ إِلَّا فِي اثْتَيْنِ: رَجُلٌ آتَاهُ اللَّهُ مَالًا فَسُلْطَةً (/ فَسَلْطَةً) عَلَى هَلْكَتِهِ فِي الْحَقِّ، وَرَجُلٌ آتَاهُ اللَّهُ الْحِكْمَةَ (/ حِكْمَةً) فَهُوَ يَقْضِي بِهَا وَيُعَلِّمُهَا))

Daripada 'Abdullah Bin Mas'ūd ﷺ, beliau berkata: Nabi ﷺ bersabda:

“Tidak patut ada rasa cemburu (*ghibṭah*) melainkan kepada dua orang:

- (i) Seseorang yang dikurniakan harta oleh Allah, dan dia kemudiannya diberi kekuatan (/dan Dia memberinya kekuatan) untuk membelanjakannya pada perkara yang benar (ketaatan); dan
- (ii) Seseorang yang dikurniakan *al-hikmah* (al-Qur'an)/*hikmah* (ilmu) oleh Allah, dan kemudiannya dia menghukum dengannya dan mengajarkannya.”

T: (al-Bukhārī (256H), 1999 - *Şahīh al-Bukhārī*), No. 73 [Lafaz di atas], 1409, 7141 & 7316; (Muslim (261H), 2006 - *al-Jāmi'* al-Şahīh / *Şahīh Muslim*), No. 819; (Ibn Mājah (273H), 2010 - *Sunan Ibn Mājah*), No. 4208; (Ahmad (241H), 1995 - *al-Musnad*), No. 3643 & 4098; (Ibn Ḥibbān (354H), 1993 - *Şahīh Ibn Ḥibbān*), No. 90 dan lain-lain.

Hadith 2: Ibadat Harta adalah Kelebihan Kurniaan Allah kepada Seseorang

عَنْ أَبِي هُرَيْرَةَ ﷺ :

أَنَّ فُقَرَاءَ الْمُهَاجِرِينَ، أَتَوْا رَسُولَ اللَّهِ ﷺ، فَقَالُوا: ذَهَبَ أَهْلُ الدُّثُورِ بِالدَّرَجَاتِ الْعُلَى، وَالنَّعِيمِ الْمُقِيمِ، فَقَالَ: ((وَمَا ذَاكَ؟)). قَالُوا: يُصَلُّونَ كَمَا نُصَلِّي، وَيَصُومُونَ كَمَا نَصُومُ، وَيَتَصَدَّقُونَ وَلَا نَتَصَدَّقُ، وَيُعْتَقُونَ وَلَا نُعْتَقُ، فَقَالَ رَسُولُ اللَّهِ ﷺ: ((أَفَلَا أَعْلَمُكُمْ شَيْئًا تُدْرِكُونَ بِهِ مَنْ سَبَقَكُمْ، وَتَسْبِقُونَ بِهِ مَنْ بَعْدَكُمْ، وَلَا يَكُونُ أَحَدٌ أَفْضَلُ مِنْكُمْ، إِلَّا مَنْ صَنَعَ مِثْلَ مَا صَنَعْتُمْ؟)). قَالُوا: بَلَى يَا رَسُولَ اللَّهِ. قَالَ: ((تُسَبِّحُونَ، وَتُكَبِّرُونَ، وَتَحْمَدُونَ، دُبُرُ كُلِّ صَلَاةٍ، ثَلَاثًا وَثَلَاثِينَ مَرَّةً))، فَرَجَعَ فُقَرَاءُ الْمُهَاجِرِينَ، إِلَى رَسُولِ اللَّهِ ﷺ، فَقَالُوا: سَمِعَ إِخْرَانُّا أَهْلُ الْأَمْوَالِ بِمَا فَعَلْنَا، فَفَعَلُوا مِثْلَهُ، فَقَالَ رَسُولُ اللَّهِ ﷺ: ((ذُلِّكَ فَضْلُ اللَّهِ، يُؤْتِيهِ مَنْ يَشَاءُ))

Daripada Abu Hurayrah ﷺ, beliau meriwayatkan bahawa:

“Sesungguhnya golongan faqir daripada Muhajirin telah mendatangi Rasulullah ﷺ dan berkata: Orang-orang yang mempunyai harta telah pergi dengan darjat-darjat yang tinggi, dan nikmat yang kekal. Baginda lalu bersabda: Dan apakah (maksud kamu) itu?. Mereka berkata: Mereka bersolat seperti kami bersolat, mereka berpuasa seperti kami berpuasa, dan mereka memberi sedekah sedangkan kami tidak memberi sedekah, dan mereka memerdekaan hamba sedangkan kami tidak memerdekaan hamba.

Maka Rasulullah ﷺ bersabda: Adakah (kamu tidak mahu) aku ajarkan kamu semua sesuatu yang kamu akan capai dengannya

sesiapa yang mendahului kamu, dan kamu mendahului dengannya sesiapa yang selepas kamu, dan tidak ada seseorang pun yang lebih afdal daripada kamu melainkan sesiapa lakukan seperti yang kamu lakukan?. Mereka menjawab: Bahkan, wahai Rasulullah!. Baginda bersabda: Kamu bertasbih, bertakbir dan bertahmid di akhir setiap solat sebanyak tiga puluh tiga kali.

Kemudian para fuqara' daripada Muhajirin pun kembali semula kepada Rasulullah ﷺ dan berkata: Saudara-saudara kami yang mempunyai harta telah mendengar dengan apa yang telah kami lakukan, maka mereka pun melakukan sepertinya.

Rasulullah ﷺ pun bersabda: Itu adalah kelebihan kurniaan Allah (kepada mereka), Dia memberinya kepada sesiapa yang Dia kehendaki."

T: (Muslim (261H), 2006 - al-Jāmi‘ al-Šahīh / Šahīh Muslim), No.597 [Lafaz di atas]; (al-Bukhārī (256H), 1999 - Šahīh al-Bukhārī); (al-Dārimī (255H), 2000 - Sunan al-Dārimī); (Malik (179H), - al-Muwatta' - Riwayat Yahya al-Laythi) dan lain-lain.

Hadith 3: Harta Yang Baik Bersama Orang Yang Baik

عَنْ عَمْرِو بْنِ الْعَاصِ ﷺ، قَالَ: قَالَ رَسُولُ اللَّهِ ﷺ :

((يَا عَمْرُو، نِعْمَ الْمَالُ الصَّالِحُ مَعَ الرَّجُلِ الصَّالِحِ))

Daripada ‘Amr Ibn al-‘Āṣ ﷺ, beliau berkata: Rasulullah ﷺ bersabda:

“Wahai ‘Amr, betapa baiknya harta yang baik (bersih) apabila ia dimiliki oleh seorang yang soleh.”

T: (Ibn Ḥibbān (354H), 1993 - Ṣahīḥ Ibn Ḥibbān), No. 3210 [Lafaz di atas] & 3211; (Ahmad (241H), 1995 - al-Musnad); (al-Hakim (405H), 1990 - al-Mustadrak ‘alā al-Saḥīḥayn); (Abū Dāwūd al-Tayālisī (204H), - Musnad Abū Dāwūd al-Tayālisī) dan lain-lain.

Hadith 4: *al-Yad al-'Ulyā* (Tangan Yang Memberi) Lebih Baik Daripada *al-Yad al-Suflā* (Tangan Yang Menerima)

عَنْ عَبْدِ اللَّهِ بْنِ عُمَرَ مُتَابِعَتِهِ، أَنَّ رَسُولَ اللَّهِ ﷺ قَالَ وَهُوَ عَلَى الْمِنْبَرِ، وَذَكَرَ الصَّدَقَةَ،
وَالْتَّعْفُفَ، وَالْمَسَأَةَ:

((الْيَدُ الْعُلْيَا خَيْرٌ مِنَ الْيَدِ السُّفْلَى، فَالْيَدُ الْعُلْيَا هِيَ الْمُنْفِقَةُ، وَالْسُّفْلَى هِيَ السَّائِلَةُ))

Daripada 'Abdullah Ibn 'Umar رضي الله عنهما, beliau meriwayatkan bahawa Rasulullah صلوات الله عليه وسلم bersabda ketika Baginda sedang berada di atas mimbar, dan ketika Baginda sedang menyebut tentang sedekah, memelihara maruah dan meminta-minta:

“Tangan yang di atas adalah lebih baik daripada tangan yang di bawah;

dan tangan yang di atas adalah tangan yang memberi infaq, dan tangan yang di bawah adalah tangan yang meminta pemberian.”

T: (al-Bukhārī (256H), 1999 - Ṣahīḥ al-Bukhārī), No.1429 [Lafaz di atas]; (Muslim (261H), 2006 - al-Jāmi' al-Ṣahīḥ / Ṣahīḥ Muslim); (Abū Dāwud (275H), 2010 - Sunan Abī Dāwud); (al-Nasā'i (303H), 1986 - al-Sunan al-Sughrā / al-Mujtabā min al-Sunan); (al-Dārimī (255H), 2000 - Sunan al-Dārimī); (Ahmad (241H), 1995 - al-Musnad) dan lain-lain.

《IBADAT HARTA YANG WAJIB》

Hadith 5: Nafkah Bagi Diri Sendiri

عَنْ أَبِي هُرَيْرَةَ ﷺ، قَالَ:

قَالَ رَسُولُ اللَّهِ ﷺ: ((تَصَدَّقُوا)), فَقَالَ رَجُلٌ: يَا رَسُولَ اللَّهِ، عِنْدِي دِينَارٌ، قَالَ: ((تَصَدَّقْ بِهِ عَلَى نَفْسِكَ)), قَالَ: عِنْدِي آخَرُ، قَالَ: ((تَصَدَّقْ بِهِ عَلَى زَوْجِكَ)), قَالَ: عِنْدِي آخَرُ، قَالَ: ((تَصَدَّقْ بِهِ عَلَى وَلَدِكَ)), قَالَ: عِنْدِي آخَرُ، قَالَ: ((تَصَدَّقْ بِهِ عَلَى خَادِمِكَ)), قَالَ: عِنْدِي آخَرُ، قَالَ: ((أَنْتَ أَبْصَرُ))

Daripada Abu Hurayrah ﷺ, beliau berkata:

“Rasulullah ﷺ bersabda: Bersedekahlah. Maka seorang lelaki berkata: Wahai Rasulullah, saya mempunyai satu dinar, Baginda pun bersabda: Sedekahkanlah (belanjakanlah) ia kepada dirimu sendiri.

Kemudian dia berkata: Saya ada satu dinar lagi, Baginda pun bersabda: Sedekahkanlah ia kepada isterimu.

Kemudian dia berkata: Saya ada satu dinar lagi, Baginda pun bersabda: Sedekahkanlah ia kepada anakmu.

Kemudian dia berkata: Saya ada satu dinar lagi, Baginda pun bersabda: Sedekahkanlah ia kepada hambamu.

Kemudian dia berkata: Saya ada satu dinar lagi, Baginda pun bersabda: Engkau lebih tahu (di mana patut engkau belanjakannya).”

T: (al-Nasā'ī (303H), 1986 - al-Sunan al-Sughrā / al-Mujtabā min al-Sunan), No. 2535 [Lafaz di atas]; (Abū Dāwud (275H), 2010 - Sunan Abī Dāwud); (Ahmad (241H), 1995 - al-Musnad); (Ibn Ḥibbān (354H), 1993 - Ṣahīḥ Ibn Ḥibbān); (al-Hakim (405H), 1990 - al-Mustadrak 'alā al-Sahīhayn) dan lain-lain.

5.1 Mulakan Dengan Diri Sendiri

عَنْ جَابِرٍ رَضِيَ اللَّهُ عَنْهُ، قَالَ:

أَعْتَقَ رَجُلٌ مِنْ بَنِي عُدْرَةَ عَبْدًا لَهُ عَنْ دُبْرٍ، فَبَلَغَ ذَلِكَ رَسُولُ اللهِ ﷺ فَقَالَ: ((أَلَكَ مَالٌ غَيْرُهُ؟))، فَقَالَ: لَا، فَقَالَ: ((مَنْ يَشْتَرِيهِ مِنِّي؟))، فَاشْتَرَاهُ نُعِيمٌ بْنُ عَبْدِ اللهِ الْعَدَوِيُّ بِشَانِ مِائَةِ دِرْهَمٍ، فَجَاءَ بِهَا رَسُولُ اللهِ ﷺ فَدَفَعَهَا إِلَيْهِ، ثُمَّ قَالَ: ((اَبْدَأْ بِنَفْسِكَ فَتَصَدَّقْ عَلَيْهَا، فَإِنْ فَضَلَ شَيْءٌ فِلَأْهُلِكَ، فَإِنْ فَضَلَ عَنْ أَهْلِكَ شَيْءٌ فِلِذِي قَرَابَتِكَ، فَإِنْ فَضَلَ عَنْ ذِي قَرَابَتِكَ شَيْءٌ، فَهَكَذَا وَهَكَذَا يَقُولُ، فَبَيْنَ يَدِيكَ وَعَنْ يَمِينِكَ وَعَنْ شِمَالِكَ))

Daripada Jabir Ibn 'Abdullah رضي الله عنه، beliau berkata:

“Seorang lelaki dari Bani ‘Udhrah telah membebaskan seorang hambanya secara tadbi'r (iaitu si hamba mudabbar akan merdeka jika pemiliknya meninggal dunia), dan perkara ini telah sampai kepada Rasulullah ﷺ, maka Baginda bersabda: Adakah kamu mempunyai harta selainnya?. Dia menjawab: Tidak. Baginda bersabda: Siapakah yang mahu membelinya (hamba ini) daripadaku?. Maka Nu'aym Ibn 'Abdullah al-'Adawi pun membelinya dengan harga lapan ratus (800) dirham.

Rasulullah ﷺ pun mengambilnya dan memberikannya kepadanya (pemilik asal) dan bersabda: Mulakanlah dengan

dirimu, dan bersedekahlah (belanjakanlah) untuknya. Dan jika ada sebarang lebihan, maka belanjakanlah untuk keluargamu. Dan jika ada sebarang lebihan dari keluargamu, maka belanjakanlah untuk kaum kerabatmu. Dan jika ada sebarang lebihan dari kaum kerabatmu, maka begini dan begini, iaitu bagi sesiapa di hadapanmu, di sebelah kananmu, dan di sebelah kirimu.”

T: (Muslim (261H), 2006 - al-Jāmi‘ al-Šahīh / Šahīh Muslim), No.999 [Lafaz di atas]; (al-Nasā‘ī (303H), 1986 - al-Sunan al-Sughrā / al-Mujtabā min al-Sunan); (Ahmad (241H), 1995 - al-Musnad); (Ibn Khuzaymah (311H), - Šahīh Ibn Khuzaymah); (Ibn Ḥibbān (354H), 1993 - Šahīh Ibn Ḥibbān) dan lain-lain.

5.2 Mulakan Dengan Keperluan Diri Sendiri

عَنْ جَابِرِ بْنِ عَبْدِ اللَّهِ الْأَنْصَارِيِّ ﷺ، قَالَ:
كَانَ رَجُلٌ مِنْ بَنِي عُذْرَةَ، يُقَالُ لَهُ: أَبُو مَذْكُورٍ، وَكَانَ لَهُ عَبْدٌ قِبْطِيٌّ فَأَعْتَقَهُ عَنْ دُبْرِ
مِنْهُ، وَكَانَ ذَا حَاجَةٍ، قَالَ رَسُولُ اللَّهِ ﷺ: ((إِذَا كَانَ أَحَدُكُمْ ذَا حَاجَةً، فَلْيَعْدِأْ بَنْفَسِهِ
))، قَالَ: فَأَمَرَهُ أَنْ يَسْتَنْفِعَ بِهِ، فَبَاعَهُ مِنْ نُعَيمٍ بْنِ عَبْدِ اللَّهِ النَّحَامِ الْعَدَوِيِّ بِثَانِ مِائَةٍ
دِرْهَمٍ.

Daripada Jabir Ibn ‘Abdullah al-Ansari ﷺ, beliau berkata:

“Pernah ada seorang lelaki daripada Bani ‘Udhrah, yang disebut sebagai “Abū Madhkūr”, dan dia mempunyai seorang hamba qibti. Dia telah memerdekaakannya secara tadbīr (iaitu si hamba mudabar akan merdeka jika pemiliknya meninggal dunia), sedangkan dia mempunyai hajat keperluan.

Rasulullah ﷺ bersabda: Sekiranya salah seorang daripada kamu adalah seorang yang berhajat (mempunyai keperluan), maka hendaklah dia mulakan dengan dirinya sendiri.”

T: (Ahmad (241H), 1995 - al-Musnad), No. 13861, 14552 & 14569 [Lafaz di atas]; (Muslim (261H), 2006 - al-Jāmi‘ al-Ṣahīḥ / Ṣahīḥ Muslim), No.999 [Lafaz di atas]; (al-Nasā‘ī (303H), 1986 - al-Sunan al-Sughrā / al-Mujtabā min al-Sunan); (Ibn Khuzaymah (311H), - Ṣahīḥ Ibn Khuzaymah); (Ibn Hibbān (354H), 1993 - Ṣahīḥ Ibn Hibbān) dan lain-lain.

Hadith 6: Nafkah Bagi Isteri

عَنْ عَائِشَةَ حَوَّلَنَا:

قَالَتْ هِنْدُ أُمُّ مُعَاوِيَةَ لِرَسُولِ اللَّهِ ﷺ: إِنَّ أَبَا سُفِيَّانَ رَجُلٌ شََّحِيْحٌ، فَهَلْ عَلَيَّ جُنَاحٌ أَنْ آخُذَ مِنْ مَالِهِ سِرَّاً؟ قَالَ: ((خُذْ يِأْنَتِ وَبَنُوكِ مَا يَكْفِيْكِ بِالْمَعْرُوفِ))

Daripada ‘A’ ishah ﷺ, beliau meriwayatkan bahawa:

“Hindun, ibu kepada Mu‘awiyah telah berkata kepada Rasulullah ﷺ: Sesungguhnya Abu Sufyan (suaminya) adalah seorang lelaki yang kedekut (untuk memberi nafkah), maka adakah salah sekiranya saya mengambil nafkah daripada hartanya secara rahsia?.

Baginda bersabda: Kamu ambillah (dari harta suami kamu) untuk kamu dan anak-anakmu apa yang mencukupimu dengan baik.”

T: (al-Bukhārī (256H), 1999 - Ṣahīḥ al-Bukhārī), No. 2211 [Lafaz di atas], 5364 & 7180; (Abū Dāwud (275H), 2010 - Sunan Abī Dāwud), No. 3532; (al-Nasā'ī (303H), 1986 - al-Sunan al-Sughrā / al-Mujtabā min al-Sunan), No. 5420 dan lain-lain.

Nota:

Hadith No. 5 sebelum ini telah menyatakan kewajipan nafkah ke atas isteri selepas diri sendiri. Hadith ini pula merupakan dalil Shariat yang kukuh bahawa isteri dan anak-anak mempunyai hak nafkah daripada harta suami sehingga dia boleh mengambilnya dengan kadar yang munasabah tanpa kebenarannya jika nafkah yang diberikan tidak mencukupi.

6.1 Nafkah Bagi Ahli Keluarga adalah Sedekah (1)

عَنْ أَبِي مَسْعُودٍ الْبَدْرِيِّ، عَنِ النَّبِيِّ ﷺ قَالَ:

((نَفَقَةُ الرَّجُلِ عَلَى أَهْلِهِ صَدَقَةٌ))

Daripada Abu Mas'ud al-Badri رض, beliau meriwayatkan bahawa Baginda Nabi ﷺ bersabda:

“(Perbelanjaan) nafkah oleh seorang lelaki bagi ahli keluarganya adalah merupakan satu sedekah.”

T: (al-Bukhārī (256H), 1999 - Ṣahīḥ al-Bukhārī), No. 55 [Lafaz di atas], 4006 & 5351 (Muslim (261H), 2006 - al-Jāmi‘ al-Ṣahīḥ / Ṣahīḥ Muslim), No. 1004; (al-Tirmidhī (279H), - al-Jāmi‘ al-Kabīr (Sunan al-Tirmidhī)), No. 1965 [sama seperti lafaz di atas] dan belia berkata: (هَذَا حَدِيثُ حَسَنٌ صَحِيحٌ) dan lain-lain.

6.2 Nafkah Bagi Keluarga adalah Sedekah (2)

عَنْ أَبِي مَسْعُودٍ الْبَدْرِيِّ، عَنِ النَّبِيِّ ﷺ قَالَ:

((إِنَّ الْمُسْلِمَ إِذَا أَنْفَقَ عَلَى أَهْلِهِ نَفَقَةً وَهُوَ يَخْتَسِبُهَا كَانَتْ لَهُ صَدَقَةً))

Daripada Abu Mas'ud al-Badri رض, beliau meriwayatkan bahawa Baginda Nabi ﷺ bersabda:

“Sesungguhnya seseorang Muslim itu apabila dia memberi/membelanjakan nafkah bagi ahli keluarganya dalam keadaan dia mengharapkan keredaan dari Allah ﷻ (/dia berniat melakukan perintah Allah ﷻ), maka perbelanjaan itu adalah merupakan satu sedekah.”

T: (al-Bukhārī (256H), 1999 - Ṣahīḥ al-Bukhārī), No. 55, 4006 & 5351 (Muslim (261H), 2006 - al-Jāmi‘ al-Ṣahīḥ / Ṣahīḥ Muslim), No. 1004 [Lafaz di atas]; (al-Tirmidhī (279H), - al-Jāmi‘ al-Kabīr (Sunan al-Tirmidhī)), No. 1965 dan lain-lain.

Hadith 7: Nafkah Bagi Anak

عَنْ ثُوَيْبَانَ ﷺ، قَالَ: قَالَ رَسُولُ اللَّهِ ﷺ :

((أَفْضَلُ دِينَارٍ يُنْفِقُهُ الرَّجُلُ دِينَارٌ يُنْفِقُهُ عَلَى عِيَالِهِ، وَدِينَارٌ يُنْفِقُهُ الرَّجُلُ عَلَى دَابَّتِهِ
فِي سَبِيلِ اللَّهِ، وَدِينَارٌ يُنْفِقُهُ عَلَى أَصْحَابِهِ فِي سَبِيلِ اللَّهِ))

Daripada Thawban ﷺ, beliau berkata: Rasulullah ﷺ bersabda:

“Sebaik-baik dinar adalah dinar yang dibelanjakan oleh seorang lelaki untuk orang-orang yang berada di bawah tanggungannya; dan dinar yang dibelanjakan oleh seorang lelaki bagi tunggangannya di jalan Allah; dan dinar yang dibelanjakan oleh seseorang bagi para sahabatnya di jalan Allah.”

T: (Muslim (261H), - al-Jami' al-Sahih / Sahih Muslim), No. 997 [Lafaz di atas]; (al-Tirmidhī (279H), - al-Jāmi' al-Kabīr (Sunan al-Tirmidhī)); (Ibn Mājah (273H), 2010 - Sunan Ibn Mājah) dan lain-lain.

قَالَ أَبُو قِلَابَةَ: وَبَدَأَ بِالْعِيَالِ، ثُمَّ قَالَ أَبُو قِلَابَةَ: وَأَيُّ رَجُلٍ أَعْظَمُ أَجْرًا مِنْ رَجُلٍ يُنْفِقُ عَلَى عِيَالٍ صِغَارٍ، يُعْفَهُمْ أَوْ يَنْفَعُهُمُ اللَّهُ بِهِ وَيُغْنِيهِمْ

Dan (Imam) Abu Qilabah (salah seorang perawi) berkata: “Baginda telah memulakannya dengan anak-anak yang berada dalam tanggungan seseorang”, kemudian Abu Qilabah berkata: “Dan siapakah yang lebih besar pahalanya berbanding seorang lelaki yang memberi nafakah kepada anak-anaknya yang masih kecil, dengan itu dia dapat memelihara kehormatan mereka, dan Allah memberi manfaat kepada mereka melaluinya serta mengkayakan mereka (daripada meminta-minta dari orang lain).”

R: (Muslim (261H), 2006 - al-Jāmi' al-Šahīh / Šahīh Muslim). Catatan tambahan selepas hadith No. 997.

7.1 Riwayat Abu Dawud: Nafkah Anak Diutamakan Nafkah Isteri

عَنْ أَبِي هُرَيْرَةَ رض، قَالَ:

أَمْرَ النَّبِيِّ صل بِالصَّدَقَةِ، فَقَالَ رَجُلٌ: يَا رَسُولَ اللَّهِ، عِنْدِي دِينَارٌ، فَقَالَ: ((تَصَدَّقْ بِهِ عَلَى نَفْسِكَ))، قَالَ: عِنْدِي آخَرُ، قَالَ: ((تَصَدَّقْ بِهِ عَلَى وَلَدِكَ))، قَالَ: عِنْدِي آخَرُ، قَالَ: ((تَصَدَّقْ بِهِ عَلَى زَوْجِكَ، أَوْ قَالَ: زَوْجُكَ))، قَالَ: عِنْدِي آخَرُ، قَالَ: ((تَصَدَّقْ بِهِ عَلَى حَادِمِكَ))، قَالَ: عِنْدِي آخَرُ، قَالَ: ((أَنْتَ أَبْصَرُ))

Daripada Abu Hurayrah رض, beliau berkata:

“Nabi ﷺ memerintahkan agar para sahabat ؓ bersedekah. Maka seorang lelaki berkata: Wahai Rasulullah, saya mempunyai satu dinar, Baginda pun bersabda: Sedekahkanlah (belanjakanlah) ia kepada dirimu sendiri.

Kemudian dia berkata: Saya ada satu dinar lagi, Baginda pun bersabda: **Sedekahkanlah ia kepada anakmu.**

Kemudian dia berkata: Saya ada satu dinar lagi, Baginda pun bersabda: Sedekahkanlah ia kepada isterimu.

Kemudian dia berkata: Saya ada satu dinar lagi, Baginda pun bersabda: Sedekahkanlah ia kepada hambamu.

Kemudian dia berkata: Saya ada satu dinar lagi, Baginda pun bersabda: Engkau lebih tahu (di mana patut engkau belanjakannya).”

T: (Abū Dāwud (275H), 2010 - Sunan Abī Dāwud), No. 1691 [Lafaz di atas]; (al-Nasā'ī (303H), 1986 - al-Sunan al-Sughrā / al-Mujtabā min al-Sunan); (Ahmad (241H), 1995 - al-Musnad); (Ibn Ḥibbān (354H), 1993 - Ṣahīḥ Ibn Ḥibbān); (al-Hakim (405H), 1990 - al-Mustadrak 'alā al-Saḥīḥayn) dan lain-lain.

Nota: Riwayat Abu Dawud mendahuluikan nafkah anak ke atas isteri. Kebanyakan riwayat mendahuluikan nafkah isteri ke atas anak.

Memberi nafkah kepada anak-anak yang berhajat dan masih di bawah tanggungan adalah wajib menurut ijma' ulama'. Al-Imam Ibn Qudamah menyebut di dalam kitabnya "al-Mughni", kitab *al-Nafaqat*:

وَأَمَّا الْإِجْمَاعُ ، فَحَكَى ابْنُ الْمُنْذِرِ قَالَ : ... وَأَجْمَعَ كُلُّ مَنْ نَحْفَظُ عَنْهُ مِنْ أَهْلِ
الْعِلْمِ ، عَلَى أَنَّ عَلَى الْمُرْءِ نَفَقَةً أَوْ لَادِهِ الْأَطْفَالِ الَّذِينَ لَا مَالَ لَهُمْ

"Dan manakala [dalil] ijma', maka [Imam] Ibn al-Mundhir telah berkata: ... Dan telah berijma' setiap orang yang kami hafal dari kalangan ahli ilmu, bahawa menjadi kewajipan ke atas seseorang untuk memberi nafkah kepada anak-anaknya yang kecil yang tidak mempunyai harta."

R: (Ibn Qudamah al-Maqdisi (620H), 1968 - al-Mughni).

7.2: Allah Mewajibkan Syurga kepada Seorang Ibu Miskin Dengan Sebiji Tamar Yang Dikorbankan Buat Anak-anaknya

عَنْ عَائِشَةَ حَوَّلَنَا، أَنَّهَا قَالَتْ:

((جَاءَتِنِي مِسْكِينَةٌ تَحْمِلُ ابْنَيْنِهَا، فَأَطْعَمْتُهَا ثَلَاثَ تَمَرَاتٍ، فَأَعْطَتْ كُلَّ وَاحِدَةٍ
مِنْهُمَا تَمَرَّةً، وَرَفَعَتْ إِلَيَّ فِيهَا تَمَرَّةً لِتَأْكُلَهَا، فَاسْتَطَعْتُهَا ابْتَاهَا، فَشَقَّتِ التَّمَرَّةُ الَّتِي

كَاتِبٌ تُرِيدُ أَنْ تَأْكُلَهَا بَيْنَهُمَا، فَأَعْجَبَنِي شَائِئًا فَذَكَرْتُ الَّذِي صَنَعْتُ لِرَسُولِ اللَّهِ ﷺ
فَقَالَ: إِنَّ اللَّهَ قَدْ أَوْجَبَ لَهَا الْجَنَّةَ، أَوْ أَعْنَقَهَا بِهَا مِنَ النَّارِ))

Daripaa (Saidatina) ‘A’ishah ﷺ, sesungguhnya beliau telah berkata:

“Seorang perempuan miskin telah datang kepadaku dengan membawa dua anak perempuannya dan saya pun memberinya tiga biji tamar. Dia memberi setiap seorang dari dua anaknya itu sebiji tamar, dan dia pun mahu menuapkan sebiji tamar lagi ke dalam mulutnya, akan tetapi kedua-dua anak perempuannya itu meminta tambahan makanan lagi. Dia pun membelah biji tamar yang ingin dimakannya itu dan memberikannya kepada kedua-dua anak perempuannya.

Saya merasa amat kagum dengan perbuatannya itu, dan saya pun memberitahu tentang perbuatannya itu kepada Rasulullah ﷺ. Baginda pun bersabda: “Sesungguhnya Allah telah mewajibkan baginya syurga dengannya (sebiji tamar/amalannya itu); atau Allah membebaskannya daripada api neraka dengannya (sebiji tamar/ amalannya itu).”

T: (Muslim (261H), 2006 - al-Jāmi‘ al-Šahīh / Šahīh Muslim), No. 2632 [Lafaz di atas]; (Ibn Mājah (273H), 2010 - Sunan Ibn Mājah); (Ahmad (241H), 1995 - al-Musnad); (Ibn Ḥibbān (354H), 1993 - Šahīh Ibn Ḥibbān); (Abū Dāwūd al-Tayālisī (204H), - Musnad Abū Dāwūd al-Tayālisī) dan lain-lain.

7.3: Kelebihan Nafkah Anak Perempuan

عَنْ أَنَسِ بْنِ مَالِكٍ رَضِيَ اللَّهُ عَنْهُ، قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّدَ اللَّهُ عَلَيْهِ وَسَلَّمَ : ((مَنْ عَالَ جَارِيَتَينِ حَتَّىٰ تَبْلُغَا، جَاءَ يَوْمَ الْقِيَامَةِ أَنَا وَهُوَ)) - وَضَمَّ أَصَابِعَهُ

Daripada Anas Ibn Malik ﷺ, beliau berkata: Rasulullah ﷺ bersabda:

“Barangsiapa yang menanggung kehidupan dua orang (anak) perempuan sehingga mereka berdua menjadi baligh (dewasa), dia akan datang pada Hari Kiamat nanti dalam keadaan saya dan dia (adalah sebegini rapat)” - lalu Baginda pun merapatkan jari-jari Baginda yang mulia (riwayat Imam Ahmad (No.12089): dua jari Baginda yang mulia, jari telunjuk dan ibu jari).

T: (Muslim (261H), 2006 - al-Jāmi‘ al-Šahīh / Šahīh Muslim), No. 2634 [Lafaz di atas]; (al-Tirmidhī (279H), - al-Jāmi‘ al-Kabīr (Sunan al-Tirmidhī)); (Ahmad (241H), 1995 - al-Musnad); (Ibn Ḥibbān (354H), 1993 - Šahīh Ibn Ḥibbān); (al-Hakim (405H), 1990 - al-Mustadrak ‘alā al-Šahīhayn) dan lain-lain

Hadith 8: Nafkah Kepada Ibu Bapa

عَنْ مُوَرِّقِ الْعِجْلِيِّ، قَالَ: قَالَ رَسُولُ اللَّهِ ﷺ : ((هَلْ تَعْلَمُونَ نَفَقَةً أَفْضَلَ مِنْ نَفَقَةٍ فِي سَبِيلِ اللَّهِ؟)) قَالُوا: اللَّهُ وَرَسُولُهُ أَعْلَمُ، قَالَ: ((نَفَقَةُ الْوَلَدِ عَلَى الْوَالِدَيْنِ أَفْضَلُ))

Daripada Muwarriq al-‘Ijlī (wafat selepas 100H) (seorang dari tābi‘īn yang *thiqah* lagi ‘ābid – Ibn Hajar al-‘Asqalāni), beliau berkata: Rasulullah ﷺ bersabda (*mursal*):

“Adakah kamu mengetahui tentang satu nafkah yang lebih afdal daripada nafkah di jalan Allah?.

Mereka (para sahabat ﷺ) berkata: Allah dan RasulNya lebih mengetahui.

Baginda bersabda: Nafkah seorang anak kepada kedua ibubapanya itulah yang lebih afdal.”

T: (Ibn al-Jawzi (597H), 1996 - al-Birr wa al-Silah), No. 84 [Lafaz di atas]; (Ibn Wahb (197H), - al-Jami' fi al-Hadith), No. 124; (al-Marwazi (246H), - al-Birr wa al-Silah), No. 39 & (Ibn Abi al-Dunya (281H), - al-'Iyal), No. 26.

Hadith 9: Membayar Hutang

عَنْ أَبِي هُرَيْرَةَ ﷺ، قَالَ:

قَالَ رَجُلٌ: يَا رَسُولَ اللَّهِ، عَلَيَّ حَجَّةُ الْإِسْلَامِ وَعَلَيَّ دِينٌ، قَالَ: ((فَاقْضِ دِينَكَ))

Daripada Abu Hurayrah ﷺ, beliau berkata:

“Seorang lelaki telah berkata: Wahai Rasulullah, saya mempunyai kewajipan rukun Haji di dalam Islam, dan saya juga mempunyai kewajipan membayar hutang (yang telah matang).

Baginda ﷺ pun bersabda: Maka tunaikanlah (kewajipan) hutangmu.”

T: (Abū Ya'lā al-Mawṣilī (307H), 1992 - Musnad Abī Ya'lā al-Mawṣilī), No. 6191 [Lafaz di atas]: Sanadnya bersambung dan para perawinya adalah thiqah; (Ibn 'Asākir (571H), 1998 - Tārīkh Dimashq); (Ibn Hajar al-'Asqalānī (852H), 1998 - al-Maṭālib al-'Āliyah bi Zawā'id al-Masānid al-Thamāniyah); (al-Būshīrī (840H), 1998 - Ithāf al-Khiyarah al-Maharah bi Zawā'id al-Masānid al-'Asharah) dan lain-lain.

9.1 Kewajipan Membayar Hutang dan Nafkah

عَنْ جَابِرِ بْنِ عَبْدِ اللَّهِ ﷺ، قَالَ:

((أَعْتَقَ رَجُلٌ مِنَ الْأَنْصَارِ غُلَامًا لَهُ عَنْ دُبُرٍ وَكَانَ مُحْتَاجًا، وَكَانَ عَلَيْهِ دِينٌ، فَبَاعَهُ رَسُولُ اللَّهِ ﷺ بِسِمَانٍ مِائَةً دِرْهَمٍ فَأَعْطَاهُ، فَقَالَ: ((اَقْضِ دِينَكَ وَأَنْفِقْ عَلَى عِيَالِكَ))

Daripada Jabir Ibn Abdullah ﷺ, beliau berkata:

“Seorang lelaki daripada kalangan Ansar telah memerdekan seorang hamba miliknya secara tadbīr (iaitu si hamba

mudabbar akan merdeka jika pemiliknya meninggal dunia), sedangkan dia sendiri mempunyai hajat/keperluan (kewangan), dan dia mempunyai hutang yang perlu dibayar.

Maka Rasulullah ﷺ pun menjual hamba tersebut dengan harga lapan ratus (800) dirham dan kemudian Baginda memberikan wang tersebut kepadanya dan bersabda: Selesaikanlah hutangmu, dan berilah nafakah kepada orang-orang yang berada di bawah tanggunganmu.”

T: (al-Nasā'ī (303H), 1986 - al-Sunan al-Sughrā / al-Mujtabā min al-Sunan), No. 5418 [Lafaz di atas]; (Ahmad (241H), 1995 - al-Musnad); (Abu 'Awanah (316H), 1998 - Mustakhraj Abi 'Awanah) dan (al-Dāruquṭnī (385H), 2004 - Sunan al-Dāruquṭnī).

9.2 Membayar Semula Hutang Dengan Lebih Baik

عَنْ أَبِي رَافِعٍ :

((أَنَّ رَسُولَ اللَّهِ ﷺ اسْتَنْلَفَ مِنْ رَجُلٍ بَكْرًا، فَقَدِمَتْ عَلَيْهِ إِبْلٌ مِنْ إِبْلِ الصَّدَقَةِ، فَأَمَرَ أَبَا رَافِعٍ أَنْ يَقْضِي الرَّجُلَ بَكْرَهُ فَرَجَعَ إِلَيْهِ أَبُو رَافِعٍ، فَقَالَ: لَمْ أَجِدْ فِيهَا إِلَّا خِيَارًا رَبَاعِيًّا، فَقَالَ: ((أَعْطِهِ إِيَّاهُ، إِنَّ خِيَارَ النَّاسِ أَحْسَنُهُمْ قَضَاءً))

Daripada Abū Rāfi' ﷺ, beliau meriwayatkan bahawa:

“Sesungguhnya Rasulullah ﷺ telah meminjam daripada seorang lelaki seekor unta yang muda. Maka (apabila) datang kepada Baginda unta daripada unta-unta sedekah, Baginda memerintahkan Abū Rāfi' ﷺ untuk membayar semula lelaki tersebut unta mudanya. (Tetapi) Abū Rāfi' ﷺ kembali semula kepada Baginda dan berkata: Saya tidak mendapati pada (unta-unta) tersebut melainkan unta-unta terpilih yang baru masuk

tujuh tahun. Maka Baginda (pun) bersabda: Berikanlah ia kepadanya, sesungguhnya sebaik-baik manusia ialah yang paling baik dalam menunaikan (hutangnya).”

T: (Muslim (261H), 2006 - al-Jāmi' al-Sahīh / Sahīh Muslim), No. 1601 [Lafaz di atas]; (al-Tirmidhī (279H), - al-Jāmi' al-Kabīr (Sunan al-Tirmidhī)); (Abū Dāwud (275H), 2010 - Sunan Abī Dāwud); (al-Nasā'ī (303H), 1986 - al-Sunan al-Sughrā / al-Mujtabā min al-Sunan); (Ibn Mājah (273H), 2010 - Sunan Ibn Mājah); (al-Dārimī (255H), 2000 - Sunan al-Dārimī) dan lain-lain.

Hadith 10: Kewajipan Zakat Harta

عَنْ أَبْنِ عَبَّاسٍ حَدَّثَنَا :

أَنَّ النَّبِيَّ ﷺ بَعَثَ مُعَاذًا ﷺ إِلَى الْيَمَنِ، فَقَالَ: ((أُدْعُهُمْ إِلَى شَهَادَةِ أَنْ لَا إِلَهَ إِلَّا اللَّهُ، وَأَنِّي رَسُولُ اللَّهِ، فَإِنْ هُمْ أَطَاعُوا لِذَلِكَ فَأَعْلَمُهُمْ أَنَّ اللَّهَ قَدِ افْتَرَضَ عَلَيْهِمْ حَسْنَ صَلَوَاتٍ فِي كُلِّ يَوْمٍ وَلَيْلَةٍ، فَإِنْ هُمْ أَطَاعُوا لِذَلِكَ فَأَعْلَمُهُمْ أَنَّ اللَّهَ افْتَرَضَ عَلَيْهِمْ صَدَقَةً فِي أَمْوَالِهِمْ تُؤْخَذُ مِنْ أَغْنِيَائِهِمْ وَتُرْدَ عَلَى فُقَرَائِهِمْ))

Daripada 'Abdullah Ibn 'Abbās رض, beliau meriwayatkan bahawa:

“Sesungguhnya Nabi ﷺ ketika mengutus Mu'adh (Ibn Jabal) رض ke Yaman, Baginda bersabda kepadanya: Serulah mereka kepada persaksian bahawa Tiada Tuhan Melainkan Allah, dan sesungguhnya aku ini Utusan Allah. Dan sekiranya mereka mentaati (menuruti) seruanmu itu, maka ajarkanlah kepada mereka bahawa sesungguhnya Allah عز وجل telah mewajibkan ke atas mereka solat lima waktu pada setiap hari dan malam. Dan sekiranya mereka taat kepada perkara itu, maka ajarkanlah mereka bahawa sesungguhnya Allah عز وجل mewajibkan ke atas

mereka sedeqah (zakat) pada harta-harta mereka, diambil daripada orang-orang kaya di kalangan mereka, dan diberikan kepada golongan faqir di kalangan mereka.”

T: (al-Bukhārī (256H), 1999 - Ṣaḥīḥ al-Bukhārī), No. 1395; (Muslim (261H), 2006 - al-Jāmi' al-Ṣaḥīḥ / Ṣaḥīḥ Muslim); (al-Tirmidhī (279H), - al-Jāmi' al-Kabīr (Sunan al-Tirmidhī)); (Abū Dāwud (275H), 2010 - Sunan Abī Dāwud) dan lain-lain.

al-Bukhari.

10.1 Azab Kerana Tidak Membayar Zakat

عَنْ أَبِي هُرَيْرَةَ †، قَالَ: قَالَ رَسُولُ اللَّهِ ﷺ :

((مَنْ آتَاهُ اللَّهُ مَا لَا فَلَمْ يُؤْدِ زَكَاتَهُ، مُثْلَّ لَهُ مَا لَهُ يَوْمَ الْقِيَامَةِ سُبْحَانَ اللَّهِ رَبِّ الْعَالَمِينَ يُطْوَّقُهُ يَوْمَ الْقِيَامَةِ، ثُمَّ يَأْخُذُ بِلِهْزَمَتِيهِ يَعْنِي شِدْقِيهِ، ثُمَّ يَقُولُ أَنَا مَالُكَ أَنَا كَنْزُكَ، ثُمَّ تَلَّا: ((وَلَا يَحْسِنَ النَّذِيرَ يَبْخَلُونَ بِمَا آتَاهُمُ اللَّهُ مِنْ فَضْلِهِ هُوَ خَيْرًا لَهُمْ بَلْ هُوَ شَرٌّ لَهُمْ سَيْطَوْقُونَ مَا بَخِلُوا بِهِ يَوْمَ الْقِيَامَةِ وَلِلَّهِ مِيرَاثُ السَّمَاوَاتِ وَالْأَرْضِ وَاللَّهُ يَعْلَمُ مَمْلُوْنَ خَيْرٌ))

Daripada Abu Hurayrah †, beliau berkata: Rasulullah ﷺ bersabda:

“Barangsiapa yang dikurniakan harta oleh Allah, lalu dia tidak melaksanakan zakatnya, dirupakan baginya hartanya itu pada hari Kiamat nanti dengan seekor ular yang mampu berdiri di atas ekornya, lagi berbisa, dengan dua titik hitam (yang berlubang di dalam rahangnya), yang akan dikalongkan (dibelitkan) ke atasnya pada hari Kiamat nanti. Kemudian ia (ular itu) mengambilnya dengan kedua-dua rahangnya seraya berkata: Akulah hartamu, akulah khazanahmu, dan kemudian Baginda membaca (Āli 'Imrān:180): “Dan jangan sekali-kali

orang-orang yang bakhil (dengan harta benda yang telah dikurniakan Allah kepada mereka dari kemurahanNya – menyangka bahawa keadaan bakhilnya itu baik bagi mereka. Bahkan ia adalah buruk bagi mereka. Mereka akan dikalongkan (diseksa) dengan apa yang mereka bakhilkan itu pada hari kiamat kelak. Dan bagi Allah jualah hak milik segala warisan (isi) langit dan bumi. Dan (ingatlah), Allah Maha Mengetahui dengan mendalam akan segala yang kamu kerjakan.”

T: (al-Bukhārī (256H), 1999 - Ṣahīḥ al-Bukhārī), No. 1403 [Lafaz di atas]; (Muslim (261H), 2006 - al-Jāmi' al-Ṣahīḥ / Ṣahīḥ Muslim); (al-Nasā'ī (303H), 1986 - al-Sunan al-Sughrā / al-Mujtabā min al-Sunan); (Ibn Mājah (273H), 2010 - Sunan Ibn Mājah) dan lain-lain.

10.2 Memelihara Harta Dengan Berzakat

عَنْ ابْنِ مَسْعُودٍ رَضِيَ اللَّهُ عَنْهُ : قَالَ رَسُولُ اللَّهِ صَلَّى اللَّهُ عَلَيْهِ وَسَلَّدَ اللَّهُ عَلَيْهِ وَسَلَّمَ : (حَصَّنُوا أَمْوَالَكُمْ بِالزَّكَاةِ، وَدَأْوُوا مَرْضَاكُمْ بِالصَّدَقَةِ، وَأَعِدُّوا لِلْبَلَاءِ الدُّعَاءَ)

Daripada ‘Abdullah Ibn Mas’ūd ﷺ, beliau berkata: Rasulullah ﷺ bersabda:

“Lindungilah harta-hartamu dengan zakat, dan ubatilah pesakit-pesakitmu dengan sedekah, dan sediakanlah (persiapan) bagi bala’ dengan berdoa.”

T: (al-Shihāb al-Quḍā'ī (454H), 1986 - Musnad al-Shihāb), No. 691 [Lafaz di atas]; (al-Tabarānī (360H), - al-Mu‘jam al-Awsat); (al-Tabarānī (360H), - al-Mu‘jam al-Kabīr); (Abū Nu‘aym al-Asbahānī (430H), 1409H - Ḥilyat al-Awliyā’ wa Ṭabaqāt al-Asfiyā’) dan lain-lain.

Hadith 11: Kewajipan Zakat Badan (Fitrah)

عَنْ ابْنِ عُمَرَ جَهَنَّمَ، قَالَ:

فَرَضَ رَسُولُ اللَّهِ صَلَّى اللَّهُ عَلَيْهِ وَاٰلِهٖ وَسَلَّمَ زَكَاةَ الْفِطْرِ صَاعًا مِنْ تَمْرٍ أَوْ صَاعًا مِنْ شَعِيرٍ عَلَى الْعَبْدِ،
وَالْحُرُّ، وَالذَّكَرُ، وَالْأُنْثَى، وَالصَّغِيرُ، وَالكَبِيرُ مِنَ الْمُسْلِمِينَ، وَأَمْرَ بِهَا أَنْ تُؤَدَّى قَبْلَ
خُرُوجِ النَّاسِ إِلَى الصَّلَاةِ

Daripada 'Abdullah Ibn 'Umar جَهَنَّمَ berkata:

“Rasulullah ﷺ telah menfardukan (mewajibkan) zakat fitrah iaitu segantang daripada tamar atau segantang daripada gandum barli ke atas hamba abdi dan orang merdeka, lelaki dan perempuan, kecil dan besar dari kalangan para Muslimin, dan Baginda memerintahkannya untuk ditunaikan sebelum orang ramai keluar pergi menunaikan solat Hari Raya.”

T: (al-Bukhārī (256H), 1999 - Ṣaḥīḥ al-Bukhārī), No. 1503 [Lafaz di atas]; (Muslim (261H), 2006 - al-Jāmi' al-Ṣaḥīḥ / Ṣaḥīḥ Muslim); (al-Tirmidhī (279H), - al-Jāmi' al-Kabīr (Sunan al-Tirmidhī)); (al-Nasā'ī (303H), 1986 - al-Sunan al-Sughrā / al-Mujtabā min al-Sunan) dan lain-lain.

Nota:

Kadar zakat fitrah yang wajib dikeluarkan adalah satu gantang Baghdad iaitu lebih kurang 2.7 kg/ 2.6 kg beras atau nilai yang sama dengannya. Nilai ini berdasarkan ketentuan oleh pihak-pihak berkuasa agama negeri.

Waktu Sunat	Sepanjang bulan Ramadhan
Waktu Wajib	Terbenam matahari akhir bulan Ramadan sehingga

	terbit matahari
Waktu Makruh	Selepas sembahyang sunat Aidilfitri sehingga terbenam matahari 1 Shawwal
Waktu Haram	Selepas terbenam matahari 1 Shawwal
Waktu Afdhal	Selepas terbenam matahari akhir Ramadan sehingga sebelum sembahyang sunat hari raya Aidilfitri

(Sumber: www.jawhar.gov.my)

Muzakarah Jawatankuasa Fatwa Majlis Kebangsaan Bagi Hal Ehwal Ugama Islam Malaysia kali ke-57 yang bersidang pada 10 Jun 2003 telah membincangkan Cara Penetapan Harga Zakat Fitrah Seluruh Malaysia. Muzakarah telah memutuskan bahawa:

Harga zakat fitrah bagi negeri-negeri di Semenanjung Malaysia adalah berdasarkan harga setempat yang ditetapkan oleh BERNAS bagi beras Super Tempatan Gred A mengikut timbangan satu gantang Baghdad bersamaan 2.60 kg.

Harga zakat fitrah bagi negeri-negeri Sabah dan Sarawak adalah berdasarkan harga setempat yang ditetapkan oleh BERNAS, masing-masing bagi beras ‘Vietnam White Rice’ bagi negeri Sabah dan ‘Thai White Rice’ bagi negeri Sarawak mengikut timbangan satu gantang Baghdad iaitu bersamaan 2.70 kg.²

² Kadar yang diperoleh hasil timbangan 1 gantang Baghdad beras Super Tempatan Gred ‘A’ bagi Semenanjung Malaysia dan beras ‘Vietnam White Rice’ bagi Sabah dan Sarawak dengan menggunakan penimbang metrik jenis ‘digital’ yang disediakan

LATAR BELAKANG

Amalan pelaksanaan zakat fitrah di negara ini ditunaikan dengan nilai mata wang bagi menggantikan satu gantang beras bagi setiap orang Islam yang ditetapkan oleh Majlis Agama Islam Negeri-negeri. Keadaan ini memperlihatkan wujud perbezaan kadarnya di negeri-negeri disebabkan penetapan atas timbangan bagi satu gantang beras dan jenis beras yang ditentukan. Selain itu, harga beras tempatan di Semenanjung Malaysia dikawal dan diselaraskan oleh Kementerian Perdagangan Dalam Negeri dan Hal Ehwal Pengguna (KPDNHEP) serta Padi Beras Nasional Berhad (BERNAS) tetapi tidak melibatkan negeri Sabah dan Sarawak.

Penggunaan sukatan gantang Baghdad merujuk kepada gantang yang digunakan secara meluas di zaman Rasulullah ﷺ.

Bahan makanan yang diambilkira bagi menentukan zakat ialah beras atas alasan ia merupakan makanan asasi yang dimakan oleh rakyat negara ini. Berdasarkan kajian dan perakuan oleh pihak BERNAS, beras Super Tempatan Gred A merupakan beras yang dimakan oleh majoriti rakyat Malaysia berbanding dengan beras gred lain. Perkara ini boleh dijadikan asas dan kaedah bagi penetapan bahan makanan asasi dalam menentukan zakat fitrah.

Kaedah yang harus digunakan bagi memastikan ketepatan timbangan yang menyamai satu gantang Baghdad adalah dengan menggunakan timbangan metrik dengan mengambil kira penggunaan alat sukatn gantang Baghdad kian pupus dan sistem sukatan moden terutama sistem

oleh Unit Metrik Kementerian Perdagangan Dalam Negeri dan Hal Ehwal Pengguna (KPDNHEP). (Sumber: e-muamalat.gov.my)

metrik digunakan secara meluas.

Hasil sukatan dua jenis gantang baghdad³ bagi beras Super Tempatan Gred (A) adalah bersamaan dengan 2.70 kg. Keputusan ini bertepatan dengan keputusan yang telah dibuat oleh Muzakarah jawatankuasa Fatwa kali pertama yang bersidang pada 28-29 Januari 1981 iaitu ukuran nisab jenis-jenis zakat kepada sistem metrik adalah harus.⁴

³ Replika Kayu Gantang Baghdad dari Negeri Sembilan dan Replika Tembaga Gantang Baghdad dari Majlis Agama Islam Kelantan.

⁴ Sumber: Himpunan Keputusan Muzakarah Jawatankuasa Fatwa Kebangsaan, Berhubung Dengan Isu-isu Muamalat di: http://e-muamalat.gov.my/sites/default/files/keputusan_muzakarah/2010/05/9_Fatwa_Kesembilan.pdf . Akses: 31 Mac 2015

Hadith 12: Perbelanjaan bagi Haji Digandakan Sebanyak Tujuh Ratus (700) Kali Ganda

عَنْ بُرِيْدَةَ الْأَسْلَمِيِّ ، قَالَ: قَالَ رَسُولُ اللَّهِ ﷺ :

((النَّفَقَةُ فِي الْحَجَّ كَالنَّفَقَةِ فِي سَبِيلِ اللَّهِ بِسَبْعِ مِائَةٍ ضِعْفٍ))

Daripada Buraydah al-Aslami ﷺ, beliau berkata: Rasulullah ﷺ bersabda:

“Nafkah di dalam amalan Haji adalah seperti nafkah di jalan Allah yang digandakan sebanyak tujuh ratus (700) kali ganda.”

T: (Ahmad (241H), 1995 - al-Musnad), No. 22490 [Lafaz di atas]; (al-Bayhaqī (458H), 2000 - al-Sunan al-Kubrā); (al-Rūyānī (307H), 1416H - Musnad al-Rūyānī); (al-Tabarānī (360H), - al-Mu'jam al-Awsat); (al-Bayhaqī (458H), - Shu'ab al-Imān) dan lain-lain.

12.1: Umrah Menghapuskan Dosa & Ganjaran Haji Yang Mabrur adalah Syurga

عَنْ أَبِي هُرَيْرَةَ رَضِيَ اللَّهُ عَنْهُ، أَنَّ رَسُولَ اللَّهِ ﷺ قَالَ:

((الْعُمْرَةُ إِلَى الْعُمْرَةِ كَفَّارَةً لِمَا بَيْنَهُما، وَالْحَجَّ الْمُبَرُورُ لَيْسَ لَهُ جَزَاءٌ إِلَّا الْجَنَّةُ))

Daripada Abu Hurayrah ﷺ, beliau meriwayatkan bahawa sesungguhnya Rasulullah ﷺ bersabda:

“Satu umrah kepada satu umrah yang lain adalah merupakan kaffarah (penutup/penghapus) bagi dosa yang terdapat di antara kedua-duanya; dan Haji yang mabrur itu tiadalah ganjaran baginya melainkan syurga.”

T: (al-Bukhārī (256H), 1999 - Ṣaḥīḥ al-Bukhārī), No. 1773 & (Muslim (261H), 2006 - al-Jāmi' al-Ṣaḥīḥ / Ṣaḥīḥ Muslim), No. 1351 – Muttafaq 'alayh; dan lain-lain.

﴿ IBADAT HARTA YANG SUNAT ﴾

Hadith 13: “Jalan Allah”

عَنْ خُرَيْمِ بْنِ فَاتِكٍ، قَالَ: قَالَ رَسُولُ اللَّهِ : ((مَنْ أَنْفَقَ نَفَقَةً فِي سَبِيلِ اللَّهِ، كُتِبَتْ لَهُ سَبْعُ مِائَةٍ ضَعْفٍ))

Daripada Khuraym Ibn Fatik ﷺ, beliau berkata:

“Barangsiapa yang meninfaqkan satu nafkah di jalan Allah, ditulis (ganjaran) baginya dengan tujuh ratus (700) kali ganda.”

T: (al-Tirmidhī (279H), - al-Jāmi‘ al-Kabīr (Sunan al-Tirmidhī)), No. 1625 [Lafaz di atas]; (al-Nasā‘ī (303H), 1986 - al-Sunan al-Sughrā / al-Mujtabā min al-Sunan); (Ahmad (241H), 1995 - al-Musnad); (Ibn Ḥibbān (354H), 1993 - Ṣahīḥ Ibn Ḥibbān) dan lain-lain.

Nota: Allah ﷺ berfirman (al-Baqarah: 261):

مَثَلُ الَّذِينَ يُنِفِقُونَ أَمْوَالَهُمْ فِي سَبِيلِ اللَّهِ كَمَثَلِ حَبَّةٍ أَنْبَتَتْ سَبْعَ سَنَابِلَ فِي كُلِّ سُبْلَةٍ
۝ مِائَةُ حَبَّةٍ وَاللَّهُ يُضَعِّفُ لِمَنْ يَشَاءُ وَاللَّهُ وَاسِعٌ عَلَيْهِ

“Bandingan (derma) orang-orang yang membelanjakan hartanya pada jalan Allah, ialah sama seperti sebiji benih yang tumbuh menerbitkan tujuh tangkai; tiap-tiap tangkai itu pula mengandungi seratus biji. Dan (ingatlah) Allah akan melipat-gandakan pahala bagi sesiapa yang dikehendaki-Nya, dan Allah Maha Luas (rahmat) kurnia-Nya, lagi meliputi ilmu pengetahuanNya.”

Ini bermakna bahawa perbelanjaan di jalan Allah sekurang-kurangnya akan digandakan 700 kali ganda.

1 biji => 7 tangkai;	1 tangkai => 100 biji;	7 tangkai => 700 biji.
----------------------	------------------------	------------------------

Hadith 14: Membantu Kaum Kerabat dan Dhawi al-Arham Yang Miskin

عَنْ سَلْمَانَ بْنِ عَامِرٍ، عَنِ النَّبِيِّ قَالَ:

((إِنَّ الصَّدَقَةَ عَلَى الْمُسْكِينِ صَدَقَةٌ، وَعَلَى ذِي الرَّحِيمِ اثْتَانِ صَدَقَةٍ وَصِلَةٌ))

Daripada Salman Ibn ‘Amir ﷺ, beliau meriwayatkan daripada Nabi ﷺ bahawa Baginda bersabda:

“Sesungguhnya sedekah kepada orang miskin adalah satu sedekah; sedangkan sedekah kepada orang yang mempunyai hubungan rahim (kekeluargaan) adalah dua kebaikan iaitu sedekah dan (mengukuhkan) hubungan (silaturahim).”

T: (al-Nasā’ī (303H), 1986 - al-Sunan al-Sughrā / al-Mujtabā min al-Sunan), No. 2582 [Lafaz di atas]; (Ibn Mājah (273H), 2010 - Sunan Ibn Mājah); (al-Dārimī (255H), 2000 - Sunan al-Dārimī); (Ahmad (241H), 1995 - al-Musnad); (Ibn Khuzaymah (311H), - Ṣahīḥ Ibn Khuzaymah); (Ibn Hibbān (354H), 1993 - Ṣahīḥ Ibn Hibbān) dan lain-lain.

Di dalam Sunan Ibn Majah, No. 1844, lafaznya berbunyi:

((الصَّدَقَةُ عَلَى الْمُسْكِينِ صَدَقَةٌ، وَهِيَ عَلَى ذِي الْقَرَابَةِ اثْتَانِ صَدَقَةٍ، وَصِلَةٌ))

“Sedekah kepada orang miskin adalah satu sedekah; dan sedekah kepada orang yang mempunyai hubungan kerabat adalah dua kebaikan iaitu sedekah dan (mengukuhkan) hubungan (silaturahim).”

Nota:

Dari sudut istilah, ahli keluarga (*ahl*) merujuk kepada isteri dan orang-orang yang berada di bawah tanggungan seseorang; kaum kerabat (*aqārib*) pula adalah merujuk kepada mereka yang mempunyai hubungan nasab keturunan iaitu sebelah bapa; dan

dhawāl al-arhām pula adalah merujuk kepada kaum keluarga dari sebelah ibu.

Hadith 15: Memuliakan dan Membantu Jiran

عَنْ عَائِشَةَ حَمَّادَةَ، عَنِ النَّبِيِّ ﷺ قَالَ :

((مَا رَأَى يُوسُفِيْنِيْ جِبْرِيلُ بِالْجَارِ حَتَّىٰ ظَنَّتُ أَنَّهُ سَيُورِثُهُ))

Daripada Saidatina ‘A’ishah رض, beliau meriwayatkan bahawa Nabi ﷺ bersabda:

“Jibril ﷺ sentiasa berwasiat kepadaku agar berbuat baik kepada jiran, sehingga aku menyangka dia akan menjadikan jiran sebagai salah satu pewaris (harta peninggalanku).”

T: (al-Bukhārī (256H), 1999 - Ṣahīḥ al-Bukhārī), No. 6014 [Lafaz di atas]; (Muslim (261H), 2006 - al-Jāmi‘ al-Ṣahīḥ / Ṣahīḥ Muslim); (al-Tirmidhī (279H), - al-Jāmi‘ al-Kabīr (Sunan al-Tirmidhī)); (Abū Dāwud (275H), 2010 - Sunan Abī Dāwud); (Ibn Mājah (273H), 2010 - Sunan Ibn Mājah); (Ahmad (241H), 1995 - al-Musnad) dan lain-lain.

Nota:

Jiran adalah di antara orang yang paling berhak untuk mendapatkan bantuan dan pemberian daripada seseorang.

Terdapat tiga jenis jiran yang disebut di dalam al-Qur'an:

1. Jiran Muslim dan mempunyai hubungan kerabat/ kekeluargaan (*al-Jār Dhū al-Qurbā*).
2. Jiran Muslim (*al-Jār al-Junub*).
3. Jiran bukan Muslim (*al-Sāhib bi al-Janb*).

15.1 Jangan Meremehkan / Memandang Kecil Pemberian Dari Jiran

عَنْ أَبِي هُرَيْرَةَ، عَنِ النَّبِيِّ قَالَ:

((يَا نِسَاءَ الْمُسْلِمَاتِ، لَا تَحْقِرْنَ جَارَتِهَا وَلَا فِرْسَنَ شَاءِ))

Daripada Abu Hurayrah ﷺ, beliau meriwayatkan daripada Nabi ﷺ bahawa Baginda bersabda:

“Wahai parai wanita Muslimat, janganlah seorang jiran itu meremehkan pemberian daripada jirannya walaupun hanya hujung kaki kambing.”

T: (al-Bukhārī (256H), 1999 - Ṣaḥīḥ al-Bukhārī), No. 2566 & 6017; (Muslim (261H), 2006 - al-Jāmi' al-Ṣaḥīḥ / Ṣaḥīḥ Muslim); (Ahmad (241H), 1995 - al-Musnad); (Abu Nu'aym al-Asbahani (430H), 1996M/1417H - al-Musnad al-Mustakhraj 'ala Sahih Muslim) dan lain-lain.

Hadith 16: Memuliakan Tetamu

عَنْ أَبِي شُرَيْحٍ الْكَعْبِيِّ صَلَّى اللَّهُ عَلَيْهِ وَسَلَّمَ قَالَ: ((مَنْ كَانَ يُؤْمِنُ بِاللَّهِ وَالْيَوْمِ الْآخِرِ فَلْيُكِرِمْ ضَيْفَهُ، جَاءَنَّتْهُ يَوْمٌ وَلَيْلَةٌ، وَالضِيَافَةُ ثَلَاثَةُ أَيَّامٍ، فَمَا بَعْدَ ذَلِكَ فَهُوَ صَدَقَةٌ، وَلَا يَحِلُّ لَهُ أَنْ يَشْوِي عِنْدَهُ حَتَّى يُحْرِجَهُ))

Daripada Abu Shurayh al-Ka'b bi ﷺ, beliau meriwayatkan bahawa sesungguhnya Rasulullah ﷺ bersabda:

“Barangsiapa yang beriman dengan Allah dan Hari Akhirat, maka hendaklah dia memuliakan tetamunya.

Jā'izahnya (pemberian air atau keperluan permusafirannya) adalah selama sehari semalam, dan (kewajipan dan hak) *qiyāfah* (memuliakan/ melayan tetamu) adalah selama tiga (3) hari.

Apa yang lebih daripada itu (tiga (3) hari), maka ia adalah merupakan sedekah. Dan tidak halal baginya (si tetamu) untuk tinggal di sisi tuan rumah sehingga menyusahkannya.”

T: (al-Bukhārī (256H), 1999 - Ṣaḥīḥ al-Bukhārī), No. 6018, 6135 [Lafaz di atas] & 6476; (Muslim (261H), 2006 - al-Jāmi' al-Ṣaḥīḥ / Ṣaḥīḥ Muslim), No. 51, 1728 & 1729 dan lain-lain.

Hadith 17: Menyembelih Binatang Sebagai Korban (‘Aqiqah dan lain-lain)

عَنْ سَمْرَةَ، قَالَ: قَالَ رَسُولُ اللَّهِ :

((الْغُلَامُ مُرْتَهَنٌ بِعَقِيقَتِهِ، يُذْبَحُ عَنْهُ يَوْمَ السَّابِعِ، وَيُسَمَّى وَيُحَلَّقُ رَأْسُهُ))

Daripada Samurah Bin Jundub ﷺ, beliau berkata: Rasulullah ﷺ bersabda:

“Setiap budak/anak itu tertebus (dipelihara daripada kemudaran dan kemungkaran) dengan aqiqahnya, ia (haiwan aqiqah tersebut) disembelih untuknya pada hari ketujuh (kelahirannya). Dan anak tersebut diberi nama dan dicukurkan kepalanya (pada hari tersebut).”

T:(al-Tirmidhī (279H), - al-Jāmi‘ al-Kabīr (Sunan al-Tirmidhī)), No. 1522 [Lafaz di atas] dan beliau berkata: (هَذَا حَدِيثٌ حَسْنٌ صَحِيحٌ); (Abū Dāwud (275H), 2010 - Sunan Abī Dāwud), No. 2837 & 2838; {al-Nasā‘ī, 1986 #320, No. 4220 dan lain-lain.

Hukum ‘Aqiqah

Mazhab Fiqh	Hukum
Shafi‘iyyah dan Hanabilah	Sunat mu’akkad (<i>Sunnah mu’akkadah</i>)
Hanafiyyah	Tiga pandangan: 1. Harus 2. Sunat (<i>tatawwu‘</i>) 3. Makruh kerana ia telah dimansuhkan.
Malikiyyah	<i>Mandub</i> Di sisi Malikiyyah, <i>mandub</i> lebih rendah berbanding <i>masnūn</i>
Zahiriyyah, satu riwayat daripada Imam Ahmad & al-Layth Bin Sa‘d	Wajib

Di antara ibadat-ibadat penyembelihan binatang korban yang lain adalah seperti *uḍhiyyah*, *hady* dan *dam*.

Hadith 18: Membaiyai Penuntut Ilmu

عَنْ أَنَسِ بْنِ مَالِكٍ رَضِيَ اللَّهُ عَنْهُ، قَالَ:
كَانَ أَخَوَانِ عَلَى عَهْدِ النَّبِيِّ رَضِيَ اللَّهُ عَنْهُ فَكَانَ أَحَدُهُمَا يَأْتِي النَّبِيَّ رَضِيَ اللَّهُ عَنْهُ وَالْآخَرُ يَحْتَرِفُ، فَشَكَّ
الْمُحْتَرِفُ أَخَاهُ إِلَى النَّبِيِّ رَضِيَ اللَّهُ عَنْهُ فَقَالَ: ((لَعَلَّكَ تُرَزَّقُ بِهِ))

Daripada Anas Ibn Malik ﷺ, beliau berkata:

“Pernah ada dua orang bersaudara (adik beradik) di zaman Rasulullah ﷺ; salah seorang daripadanya sentiasa datang kepada Nabi ﷺ (untuk menuntut ilmu) dan yang seorang lagi pula berkerja.

Saudara yang berkerja tersebut telah mengadukan tentang saudaranya (yang menuntut ilmu itu) kepada Nabi ﷺ, maka Baginda pun bersabda: Mudah-mudahan engkau diberi rezeki (oleh Allah ﷺ) dengannya (saudaramu itu).”

T: (al-Tirmidhī (279H), - al-Jāmi‘ al-Kabīr (Sunan al-Tirmidhī)), No. 2345 [Lafaz di atas] dan beliau berkata: (هَذَا حَدِيثُ حَسَنٌ صَحِيحٌ) (al-Hakim (405H), 1990 - al-Mustadrak ‘alā al-Sahīḥayn), No. 291 dan beliau berkata: (هَذَا حَدِيثٌ صَحِيحٌ عَلَى شَرْطِ مُسْلِمٍ وَرَوَاتُهُ عَنْ أَخِرِهِمْ أَثْبَاتُ ثَقَاتٍ، وَلَمْ يُنْجَدُ) (al-Diyā‘ al-Maqdisī (643H), - al-Aḥādīth al-Mukhtārah); (al-Bayhaqī (458H), 1420H - al-Madkhal ila al-Sunan al-Kubra); (al-Bazzār (292H), 1997 - al-Bahr al-Zakhkhār bi Musnad al-Bazzār) dan lain-lain.

Hadith 19: Memelihara Anak Yatim

عَنْ سَهْلِ ‏، قَالَ رَسُولُ اللَّهِ ﷺ :

((أَنَا وَكَافِلُ الْيَتَمِ فِي الْجَنَّةِ هُكَذَا))، وَأَشَارَ بِالسَّبَابَةِ وَالْوُسْطَى وَفَرَّجَ بَيْنَهُمَا شَيْئًا

Daripada Sahl (Ibn Sa'd) ، beliau meriwayatkan bahawa Rasulullah bersabda:

“Saya dan orang yang menanggung urusan anak yatim di syurga nanti adalah seumpama ini,” dan Baginda memberi isyarat dengan jari telunjuk dan jari tengah, dan Baginda merenggangkan sedikit di antara kedua-dua (jari tersebut).”

T: (al-Bukhārī (256H), 1999 - Ṣaḥīḥ al-Bukhārī), No. 5304 [Lafaz di atas] & 6005; (al-Tirmidhī (279H), - al-Jāmi' al-Kabīr (Sunan al-Tirmidhī)), No. 1918 dan beliau berkata: (هَذَا حَدِيثُ حَسَنٌ صَحِيحٌ); (Abū Dāwud (275H), 2010 - Sunan Abī Dāwud); (Ahmad (241H), 1995 - al-Musnad); (Ibn Ḥibbān (354H), 1993 - Ṣaḥīḥ Ibn Ḥibbān) dan lain-lain.

19.1 Kemuliaan Rumah Yang Mempunyai Anak Yatim Yang Dilayan Dengan Baik

عَنْ أَبِي هُرَيْرَةَ †، عَنِ النَّبِيِّ ﷺ قَالَ :

((خَيْرُ بَيْتٍ فِي الْمُسْلِمِينَ، بَيْتٌ فِيهِ يَتِيمٌ يُحْسَنُ إِلَيْهِ، وَشَرٌّ بَيْتٌ فِي الْمُسْلِمِينَ، بَيْتٌ فِيهِ يَتِيمٌ يُسَاءُ إِلَيْهِ))

Daripada Abu Hurayrah †, beliau meriwayatkan daripada Nabi ﷺ bahawa Baginda bersabda:

“Rumah yang terbaik dari kalangan orang-orang Islam adalah rumah yang ada padanya anak yatim yang dilayan/ dipelihara dengan baik;

Dan rumah yang paling buruk dari kalangan orang-orang Islam adalah rumah yang ada padanya anak yatim yang disakiti (tidak dilayan/dipelihara dengan baik).”

T: (Ibn Mājah (273H), 2010 - Sunan Ibn Mājah), No. 3679 [Lafaz di atas]; ('Abd Ibn Humayd (249H), - Musnad 'Abd Ibn Humayd); (al-Tabarānī (360H), - al-Mu'jam al-Awsat); (al-Baghawi (516H), - Sharh al-Sunnah); (al-Mizzi (742H), 2002 - Tahdhib al-Kamal) dan lain-lain.

Hadith 20: Janda dan Ibu Tunggal

عَنْ أَبِي هُرَيْرَةَ ‷، قَالَ: قَالَ النَّبِيُّ ﷺ :
((السَّاعِي عَلَى الْأَزْمَلَةِ وَالْمُسْكِنِ كَالْمُجَاهِدِ فِي سَبِيلِ اللَّهِ، أَوِ الْقَائِمِ اللَّيْلَ الصَّائِمُ
النَّهَارَ))

Daripada Abu Hurayrah ﷺ, beliau berkata: Nabi ﷺ bersabda:

“Orang yang berusaha (untuk menjaga) janda/ibu tunggal dan orang miskin adalah seumpama seorang mujahid di jalan Allah, atau seperti seorang yang sentiasa mendirikan malam (dengan ibadat) dan sentiasa berpuasa di siang hari.”

T: (al-Bukhārī (256H), 1999 - Ṣahīḥ al-Bukhārī), No. 5353 [Lafaz di atas], 6006 & 6007; (Muslim (261H), 2006 - al-Jāmi' al-Ṣahīḥ / Ṣahīḥ Muslim); (al-Tirmidhī (279H), - al-Jāmi' al-Kabīr (Sunan al-Tirmidhī)); (al-Nasā'ī (303H), 1986 - al-Sunan al-Sughrā / al-Mujtabā min al-Sunan); (Ibn Mājah (273H), 2010 - Sunan Ibn Mājah); (Ahmad (241H), 1995 - al-Musnad); (Ibn Hibbān (354H), 1993 - Ṣahīḥ Ibn Hibbān) dan lain-lain.

Hadith 21: Sedekah kepada Orang-orang Miskin dan Faqir serta Berhajat

عَنْ أَنَسٍ رَّضِيَ اللَّهُ عَنْهُ، أَنَّ رَسُولَ اللَّهِ صَلَّى اللَّهُ عَلَيْهِ وَسَلَّدَ اللَّهُ عَلَيْهِ وَسَلَّمَ قَالَ:

((اللَّهُمَّ أَحْبِنِي مِسْكِينًا وَأَمِتْنِي مِسْكِينًا وَاحْسِرْنِي فِي زُمْرَةِ الْمُسَاكِينِ يَوْمَ الْقِيَامَةِ))، فَقَالَتْ عَائِشَةُ: لَمْ يَا رَسُولَ اللَّهِ؟ قَالَ: ((إِنَّهُمْ يَدْخُلُونَ الْجَنَّةَ قَبْلَ أَغْنِيَائِهِمْ بِأَرْبَعِينَ حَرِيفًا، يَا عَائِشَةُ لَا تَرُدِّي الْمِسْكِينَ وَلَا بِشِقْ تَمَرَّةً، يَا عَائِشَةُ أَحِبِّي الْمُسَاكِينَ وَقَرِيبِهِمْ فَإِنَّ اللَّهَ يُقْرَبُ بِكِ يَوْمَ الْقِيَامَةِ))

Daripada Anas Ibn Malik ﷺ, beliau meriwayatkan bahawa sesungguhnya Rasulullah ﷺ bersabda:

“Ya Alllah, hidupkanlah aku sebagai seorang miskin, dan wafatkanlah aku sebagai seorang miskin, dan bangkitkanlah aku dalam kumpulan orang-orang miskin pada Hari Kiamat kelak.

Maka ‘A’ishah ؓ pun berkata: Wahai Rasulullah, kenapa Tuan berdoa sedemikian?. Baginda bersabda: Sesungguhnya mereka (orang-orang miskin yang beriman) memasuki syurga sebelum orang-orang kaya mereka selama empat puluh (40) tahun. Wahai ‘A’ishah, janganlah engkau menolak (permintaan) orang miskin walaupun (engkau hanya memberinya) dengan sebahagian potongan dari sebiji tamar. Wahai ‘A’ishah, cintailah orang-orang miskin, dan dekatkanlah mereka ke sisimu, maka dengan itu sesungguhnya Allah ﷺ akan mendekatkanmu dengan (rahmat)Nya pada Hari Kiamat kelak.”

T: (al-Tirmidhī (279H), - al-Jāmi‘ al-Kabīr (Sunan al-Tirmidhī)), No. 2352 [Lafaz di atas]; (al-Bayhaqī (458H), 2000 - al-Sunan al-Kubrā); (al-Bayhaqī (458H), - Shu‘ab al-Imān) dan lain-lain.

21.1 Sedekah Memadam Kepanasan Kubur dan Menjadi Perlindungan/ Naungan Pada Hari Kiamat

عَنْ عُقْبَةَ بْنِ عَامِرٍ ، قَالَ: قَالَ رَسُولُ اللَّهِ :
((إِنَّ الصَّدَقَةَ لَتُطْفِئُ عَنْ أَهْلِهَا حَرَّ الْقُبُوْرِ، وَإِنَّمَا يَسْتَظِلُّ الْمُؤْمِنُ يَوْمَ الْقِيَامَةِ فِي ظِلٍّ
صَدَقَتِهِ))

Daripada ‘Uqbah Ibn ‘Amir ﷺ, beliau berkata: Rasulullah ﷺ bersabda:

“Sesungguhnya (pahala/amalan) sedekah pasti akan memadamkan kepanasan kubur daripada penduduknya.

Dan sesungguhnya seorang Mukmin itu akan mendapat teduhan/naungan/perlindungan pada Hari Kiamat nanti di bawah teduhan/naungan/perlindungan (pahala/amalan) sedekahnya.”

T: (al-Tabarānī (360H), - al-Mu‘jam al-Kabīr), No. 14222 & 14223 [Lafaz di atas]; (al-Bayhaqī (458H), - Shu‘ab al-Imān), No. 3346; (Ibn ‘Abd al-Barr (463H), - al-Tamhid), No. 4205; (Ibn ‘Abd al-Barr (463H), 1993 - al-Istidhkar), No. 1277; (Ibn Quṭlūbaghā al-Sūdūnī al-Hanafī (879H), - Musnad ‘Uqbah Ibn ‘Āmir), No. 194 & 195 dan lain-lain.

Hadith 22: Manihah Unta, Lembu dan Kambing

عَنْ أَبِي هُرَيْرَةَ قَالَ: أَنَّ رَسُولَ اللَّهِ قَالَ: ((نِعْمَ الْمُنِيَحَةُ / الصَّدَقَةُ) الْلَّقْحَةُ الصَّفِيفُ مِنْحَةٌ وَالشَّاةُ الصَّفِيفُ تَغْدُو بِإِنَاءٍ وَتَرُوحُ
بِإِنَاءٍ))

Daripada Abu Hurayrah ﷺ, beliau meriwayatkan bahawa sesungguhnya Rasulullah ﷺ bersabda:

“Sebaik-baik pemberian manihah (riwayat lain: sedekah) adalah seekor unta betina yang baru melahirkan anak dan mengeluarkan susu yang banyak, dan kambing betina yang mengeluarkan susu yang banyak.

Si penerima manihah dapat memerah susunya satu bekas/ bejana pada waktu pagi dan satu bekas/ bejana pada waktu petang.”

T: (al-Bukhārī (256H), 1999 - Ṣaḥīḥ al-Bukhārī), No. 2629 [Lafaz di atas] & 5608; (Ahmad (241H), 1995 - al-Musnad); (Abu Nu'aym al-Asbahani (430H), 1996M/1417H - al-Musnad al-Mustakhraj 'ala Sahih Muslim) dan lain-lain.

Nota:

al-Imam al-Nawawi (676H) berkata:

تستحب المنية، وهي أن تكون له ناقة أو بقرة أو شاة ذات لبن ، فيدفعها إلى من يشرب لبنها مدة ، ثم يردها إليه

“Disunatkan pemberian manihah, iaitu seseorang yang memiliki unta atau lembu atau kambing yang mempunyai (mengeluarkan) susu, lalu dia memberikannya kepada seseorang yang lain untuk dia mengambil susunya dalam

tempoh tertentu, kemudian ia dikembalikan kepadanya semula.”

22.1 *Manihah* adalah Amalan Yang Paling Tinggi Dari Empat Puluh (40) Amalan Kebaikan

عَنْ عَبْدِ اللَّهِ بْنَ عَمْرٍو حَتَّىٰ، قَالَ: قَالَ رَسُولُ اللَّهِ ﷺ
((أَرْبَعُونَ حَصْلَةً أَعْلَاهُنَّ مَنِيَّحَةً الْعَزِيزِ مَا مِنْ عَامِلٍ يَعْمَلُ بِحَصْلَةٍ مِنْهَا رَجَاءً
ثَوَابِهَا وَتَصْدِيقَ مَوْعِدِهَا، إِلَّا أَدْخَلَهُ اللَّهُ بِهَا الْجَنَّةَ))

Daripada 'Abdullah Ibn 'Amr حَتَّىٰ, beliau berkata: Rasulullah ﷺ bersabda:

“Empat puluh cabang kebaikan, yang tertinggi darinya adalah manihah seekor kambing betina, tidak ada yang mengamalkan salah satu bahagian daripadanya dalam keadaan mengharapkan pahalanya dan membenarkan (mempercayai) janji (baik) berkenaan, melainkan Allah akan memasukkannya ke dalam syurga dengannya.”

T: (al-Bukhārī (256H), 1999 - Ṣahīḥ al-Bukhārī), No. 2631 [Lafaz di atas]; (Abū Dāwud (275H), 2010 - Sunan Abī Dāwud); (Ahmad (241H), 1995 - al-Musnad); (Ibn Hibbān (354H), 1993 - Ṣahīḥ Ibn Hibbān) dan lain-lain.

Hadith 23: Memberi Pinjaman/Hutang Dan Memberi Penghutang Mu'sir Penangguhan atau Ibrā'

عَنْ أَنَسِ بْنِ مَالِكٍ رَضِيَ اللَّهُ عَنْهُ، قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّدَ اللَّهُ عَلَيْهِ وَسَلَّمَ :

((رَأَيْتُ لَيْلَةً أُسْرِيَ بِي عَلَى بَابِ الْجَنَّةِ مَكْتُوبًا: الصَّدَقَةُ بِعَشْرِ أَمْثَالِهَا، وَالْقَرْضُ بِسَبْعَانِيَّةِ عَشَرَ، فَقُلْتُ: يَا جِبْرِيلُ مَا بِالْقَرْضِ أَفْضَلُ مِنَ الصَّدَقَةِ؟، قَالَ: لِأَنَّ السَّائِلَ يَسْأَلُ وَعِنْدُهُ، وَالْمُسْتَقْرِضُ لَا يَسْتَقْرِضُ إِلَّا مِنْ حَاجَةٍ))

Daripada Anas Ibn Malik ﷺ, beliau berkata: Rasulullah ﷺ bersabda:

“Aku telah melihat pada malam aku diisra’kan di atas pintu syurga tertulis: Sedekah itu (diganjarkan) dengan sepuluh (10) kali ganda, dan pinjaman itu (diganjarkan) dengan lapan belas (18) kali ganda. Maka aku berkata: Wahai Jibril, apakah sebab pinjaman itu lebih baik daripada sedekah. Beliau menjawab: Kerana seseorang yang meminta (sedekah), (kebiasaannya) dalam masa yang sama (dia memiliki sesuatu) di sisinya, dan orang yang meminta pinjaman tidak akan meminta pinjaman melainkan kerana hajat (yang mendesak).”

T: (Ibn Mājah (273H), 2010 - Sunan Ibn Mājah), No. 2431 [Lafaz di atas]; (al-Tabarānī (360H), - Musnad al-Shāmiyyīn); (al-Tabarānī (360H), - al-Mu‘jam al-Awsat); (al-Bayhaqī (458H), - Shu‘ab al-Imān) & (Abū Nu‘aym al-Asbahānī (430H), 1409H - Ḥilyat al-Awliyā’ wa Ṭabaqāt al-Asfiyā’).

23.1 Kelebihan Memanjangkan Tempoh dan Menangguhkan Tarikh Pembayaran Bagi Penghutang Yang Berada di dalam Kesusahan (*Mu'sir*) atau Menghalalkannya

عَنْ أَبِي هُرَيْرَةَ †، قَالَ: قَالَ رَسُولُ اللَّهِ ﷺ :

((مَنْ أَنْظَرَ مُعْسِرًا، أَوْ وَضَعَ لَهُ أَظْلَالَ اللَّهُ يَوْمَ الْقِيَامَةِ تَحْتَ ظِلَّ عَرْشِهِ يَوْمَ لَا ظِلَّ إِلَّا
ظِلُّهُ))

Daripada Abu Hurayrah †, beliau berkata: Rasulullah ﷺ bersabda:

“Barangsiapa yang memanjangkan tempoh/ menangguhkan tarikh pembayaran hutang bagi penghutang yang berada di dalam kesusahan (*mu'sir*), atau menggugurkannya (menghalalkan hutang tersebut), maka Allah ﷺ akan menaunginya/ melindunginya pada Hari Kiamat nanti di bawah naungan/ lindungan ArashNya, pada hari di mana tidak ada naungan melainkan naungan (milik)Nya.”

T: (al-Tirmidhī (279H), - al-Jāmi‘ al-Kabīr (Sunan al-Tirmidhī)), No. 1306 حَدِيثُ أَبِي هُرَيْرَةَ حَدِيثُ حَسَنٍ صَحِيفُ غَرِيبٌ مِنْ هَذَا (Lafaz di atas) dan beliau berkata: (Ahmad (241H), 1995 - al-Musnad); (al-Shihāb al-Quḍā‘ī (454H), 1986 - Musnad al-Shihāb); (al-Tabarānī (360H), - al-Mu‘jam al-Awsat) dan lain-lain.

23.2 Orang Yang Menangguhkan Pengutang Mu'sir Mendapat Pahala Sedekah

عَنْ بُرَيْدَةَ الْأَسْلَمِيِّ ، عَنِ النَّبِيِّ قَالَ :

((مَنْ أَنْظَرَ مُعْسِرًا كَانَ لَهُ بِكُلِّ يَوْمٍ صَدَقَةٌ وَمَنْ أَنْظَرَهُ بَعْدَ حِلِّهِ كَانَ لَهُ مِثْلُهُ فِي كُلِّ يَوْمٍ صَدَقَةٌ))

Daripada Buraydah al-Aslami ﷺ, beliau meriwayatkan bahawa Baginda Nabi ﷺ bersabda:

“Barangsiapa yang memanjangkan tempoh/ menangguhkan tarikh pembayaran hutang bagi pengutang yang berada di dalam kesusahan (mu'sir), maka baginya bagi setiap hari (yang ditangguhkan) satu sedekah; dan barangsiapa yang memanjangkan tempoh/ menangguhkan tarikh pembayaran hutangnya setelah ia matang, maka baginya seumpamanya pada setiap hari (yang ditangguhkan) satu sedekah.”

T: (Ibn Mājah (273H), 2010 - Sunan Ibn Mājah), No. 2418 [Lafaz di atas]; (Ahmad (241H), 1995 - al-Musnad); (al-Ḥakim (405H), 1990 - al-Mustadrak 'alā al-Sahīḥayn); (al-Bayhaqī (458H), 2000 - al-Sunan al-Kubrā); (al-Rūyānī (307H), 1416H - Musnad al-Rūyānī) dan lain-lain.

Hadith 24: Memberi Hadiah atau Hibah

عَنْ أَبِي هُرَيْرَةَ، عَنِ النَّبِيِّ قَالَ:

((تَحَادُوا فَإِنَّ الْمَدِينَةَ تُذَهِّبُ وَحْرَ الصَّدْرِ))

Daripada Abu Hurayrah ﷺ, beliau meriwayatkan bahawa Nabi ﷺ bersabda:

“Hendaklah kamu semua saling memberi hadiah sesama kamu, sesungguhnya hadiah dapat menghilangkan permusuhan/kemarahan/ kebencian di dalam dada.”

T: (al-Tirmidhī (279H), - al-Jāmi‘ al-Kabīr (Sunan al-Tirmidhī)), No. 2130 [Lafaz di atas]; (Ahmad (241H), 1995 - al-Musnad); (al-Būshīrī (840H), 1998 - Ithāf al-Khiyarah al-Maharah bi Zawā’id al-Masānīd al-‘Asharah); (al-Shihāb al-Quḍā‘ī (454H), 1986 - Musnad al-Shihāb) dan lain-lain.

24.1 Hadiah Dapat Memupuk Kasih Sayang

عَنْ أَبِي هُرَيْرَةَ، عَنِ النَّبِيِّ قَالَ:

((تَحَادُوا، تَحَابُوا))

Daripada Abu Hurayrah ﷺ, beliau meriwayatkan bahawa Nabi ﷺ bersabda:

“Jika kamu semua saling memberi hadiah sesama kamu, kamu semua akan saling mengasihi.”

T: (al-Bayhaqī (458H), 2000 - al-Sunan al-Kubrā), No. 11044; (Abū Ya‘lā al-Mawṣilī (307H), 1992 - Musnad Abī Ya‘lā al-Mawṣilī); (al-Bayhaqī (458H), - Shu‘ab al-Imān); (Ibn ‘Abd al-Barr (463H), - al-Tamhid) dan lain-lain.

Hadith 25: Sedekah Sebagai Hadiah Pahala Buat Seseorang Muslim Yang Telah Wafat

عَنْ عَائِشَةَ حَوْلَهُنَا :

أَنَّ رَجُلًا أَتَى النَّبِيَّ ﷺ فَقَالَ: يَا رَسُولَ اللَّهِ، إِنَّ أُمِّيَ افْتُلَتْ نَفْسُهَا وَمَتُّ تُوصِّي وَأَظُنُّهَا لَوْ تَكَلَّمَتْ تَصَدَّقَتْ، أَفَلَهَا أَجْرٌ إِنْ تَصَدَّقَتْ عَنْهَا؟، قَالَ: ((نَعَمْ))

Daripada (Saidatina) ‘A’ishah ﷺ, beliau meriwayatkan bahawa:

“Sesungguhnya seorang lelaki telah datang kepada Nabi ﷺ dan berkata: Wahai Rasulullah, sesungguhnya ibuku telah wafat dengan mengejut dan dia tidak sempat memberi wasiat, dan aku beranggapan bahawa sekiranya dia sempat berkata (tentang wasiat), dia akan bersedekah. Adakah baginya pahala sekiranya aku bersedekah untuknya. Baginda menjawab: Ya.”

T: (al-Bukhārī (256H), 1999 - Ṣahīh al-Bukhārī), No. 1388 & 2760; (Muslim (261H), 2006 - al-Jāmi‘ al-Ṣahīḥ / Ṣahīḥ Muslim), No. 1678, 3090 & 3091 [Lafaz di atas]; (Abū Dāwud (275H), 2010 - Sunan Abī Dāwud); (al-Nasā‘ī (303H), 1986 - al-Sunan al-Sughrā / al-Mujtabā min al-Sunan); (Ibn Mājah (273H), 2010 - Sunan Ibn Mājah) dan lain-lain.

Imam al-Nawawi (676H) berkata:

وَفِي هَذَا الْحَدِيثِ أَنَّ الصَّدَقَةَ عَنِ الْمُيَتِ تَنْفَعُ الْمُيَتَ وَيَصُلُّهُ ثَوَابُهَا وَهُوَ كَذِيلَ
بِإِجْمَاعِ الْعُلَمَاءِ وَكَذَا أَجْمَعُوا عَلَى وُصُولِ الدُّعَاءِ وَقَضَاءِ الدِّينِ بِالنُّصُوصِ الْوَارِدَةِ فِي
الْجَمِيعِ

“Dan di dalam hadith ini (terdapat istinbat hukum) bahawa sesungguhnya sedekah untuk si mati akan memberi manfaat kepada si mati dan pahalanya akan sampai kepadanya, dan ia adalah (benar) begitu berdasarkan ijma’ para ulama’. Dan

begitu juga mereka (para ulama') telah berijma' tentang sampainya (manfaat) doa dan pembayaran hutang (buat si mati) dengan nas-nas yang warid (datang) di dalam semua (hal ini)."

T: (al-Nawawi (676H), 1999 - al-Minhaj: Sharh sahih Muslim Ibn al-Hajjaj). 90/7.

25.1 Sa 'd Bin 'Ubādah ﷺ Mensedekahkan Kebunnya Bagi Ibunya Yang Telah Wafat

عَنْ أَبْنِ عَبَّاسٍ حَدَّثَنَا :

أَنَّ سَعْدَ بْنَ عُبَادَةَ تُوْفِيَتْ أُمُّهُ وَهُوَ غَائِبٌ عَنْهَا، فَقَالَ: يَا رَسُولَ اللَّهِ، إِنَّ أُمِّي تُوْفِيَتْ وَأَنَا غَائِبٌ عَنْهَا، أَيْنَفُعُهَا شَيْءٌ إِنْ تَصَدَّقْتُ بِهِ عَنْهَا؟ قَالَ: ((نَعَمْ))، قَالَ: فَإِنِّي أَشْهُدُكَ أَنَّ حَائِطَيِ الْمِحْرَافَ صَدَقَةً عَلَيْهَا.

Daripada 'Abdullāh Bin 'Abbās ﷺ, beliau meriwayatkan bahawa:

"Sesungguhnya Sa 'd Bin 'Ubādah ﷺ telah kewafatan ibunya sedangkan beliau tidak ada bersamanya. Lalu beliau berkata (bertanya kepada Rasulullah ﷺ): Wahai Rasulullah, sesungguhnya ibu saya telah wafat sedangkan saya tidak ada bersamanya. Adakah ia bermanfaat sekiranya saya bersedekah sesuatu untuknya / baginya?. Baginda menjawab: Ya, (ia bermanfaat).

Beliau pun berkata: (Jika begitu), maka saya sesungguhnya menjadikan Tuan sebagai saksi bahawa kebun saya yang

berbuah ini (atau bernama al-*Mikhrāf* ini)⁵ adalah merupakan sedekah buat ibu saya (yang telah wafat)."

T: (al-Bukhārī (256H), 1999 - Ṣaḥīḥ al-Bukhārī), No. 2756 [Lafaz di atas], 2762 & 2770; (al-Tirmidhī (279H), - al-Jāmi' al-Kabīr (Sunan al-Tirmidhī)), No. 669 dan beliau berkata: (هَذَا حَدِيثُ حَسْنٌ); (Abū Dāwud (275H), 2010 - Sunan Abī Dāwud), No. 2882 dan lain-lain.

Rumusan: Isu Pahala Yang Sampai kepada Orang Telah Wafat

Amalan Sendiri		Amalan Orang Lain
Amalan Sendiri Secara <i>Kasb / Iktisab</i>	Amalan Sendiri Dengan <i>Tasabbub</i>	Amalan Orang Lain Untuk Seseorang Yang Lain (Masih Hidup atau Telah Wafat)
Yang Dilakukan Dengan Usaha Sendiri	Menjadi Sebab bagi Kebaikan Tersebut	Dengan niat atau doa atau izin wali/waris untuk orang lain tersebut
Solat Puasa Zakat Haji Umrah Qur'an Doa Sedekah Wakaf Zikrullah Dan lain-lain	Sedekah Jariyah/ Wakaf Telaga Yang Dibuat Mushaf Yang Diwakaf Ilmu Yang Dimanfaatkan Didikan anak Soleh Dan lain-lain	Qur'an Doa Sedekah Wakaf Zikrullah Selawat Istighfar Puasa Ganti/Hutang Zakat Ganti/Hutang Badal Haji / Nazar Umrah Dan lain-lain
Setelah wafat		
Terputus	Masih Berterusan	

⁵ Menurut Imam al-Qastallānī, *al-Mikhrāf* mungkin merupakan sifat atau nama bagi kebun tersebut.

Hadith 26: Wakaf – Mengelarkan Asas Harta dan Mengalirkan Manfaat dan Hasilnya

عَنْ ابْنِ عُمَرَ حِبْلَةَ عَنْهُ، قَالَ:

أَصَابَ عُمَرُ أَرْضًا بِخَيْرٍ، فَأَتَى النَّبِيَّ ﷺ يَسْتَأْمِرُهُ فِيهَا، فَقَالَ: يَا رَسُولَ اللَّهِ، إِنِّي أَصَبْتُ أَرْضًا بِخَيْرٍ لَمْ أُصِبْ مَا لَا قَطُّ هُوَ أَنفُسُ عِنْدِي مِنْهُ، فَمَا تَأْمُرُنِي بِهِ؟، قَالَ: ((إِنْ شِئْتَ حَبَسْتَ أَصْلَاهَا وَتَصَدَّقْتَ بِهَا عُمَرُ أَنَّهُ لَا يُبَاعُ أَصْلُهَا وَلَا يُبَنَّا عُلَى، وَلَا يُورَثُ، وَلَا يُوهَبُ، قَالَ: فَتَصَدَّقَ عُمَرُ فِي الْفُقَرَاءِ، وَفِي الْقُرْبَى، وَفِي الرِّقَابِ، وَفِي سَبِيلِ اللَّهِ، وَابْنِ السَّبِيلِ، وَالضَّيْفِ، لَا جُنَاحَ عَلَى مَنْ وَلَيْهَا أَنْ يَأْكُلَ مِنْهَا بِالْمَعْرُوفِ أَوْ يُطْعِمَ صَدِيقًا غَيْرَ مُتَمَوِّلٍ فِيهِ

Daripada 'Abdullah Ibn 'Umar حبلة عنده، beliau berkata:

“'Umar (al-Khattab) ﷺ telah mendapat sebidang tanah di Khaybar, lalu beliau datang kepada Nabi ﷺ dan meminta perintah daripada Baginda berkenaan.

Beliau berkata: Wahai Rasulullah! Sesungguhnya saya telah mendapat sebidang tanah di Khaybar, dan saya tidak pernah mendapatkan sesuatu harta yang lebih berharga di sisi saya berbandingnya, maka apakah yang tuan perintahkan untuk saya lakukan dengannya?.

Baginda bersabda: Sekiranya kamu mahu, maka kamu wakafkan asasnya dan kamu bersedekah (daripada hasil dan manfaat)nya.

‘Abdullah Ibn ‘Umar ﷺ berkata: Maka beliau (‘Umar ﷺ) pun bersedekah dengannya pada para orang-orang fakir miskin, dan pada kaum kerabat, dan pada para hamba, dan di jalan Allah, dan orang-orang yang bermusafir, dan para tetamu, (dan) tidak menjadi kesalahan bagi sesiapa yang menjaganya untuk makan daripada hasilnya dengan makruf (munasabah) atau memberi makan kepada sahabatnya, dengan tidak membuat keuntungan daripadanya.”

T: (al-Bukhārī (256H), 1999 - Ṣahīh al-Bukhārī), No. 2737 & 2772 [Lafaz di atas]; (Muslim (261H), 2006 - al-Jāmi‘ al-Ṣahīh / Ṣahīh Muslim); (al-Tirmidhī (279H), - al-Jāmi‘ al-Kabīr (Sunan al-Tirmidhī)); (Abū Dāwud (275H), 2010 - Sunan Abī Dāwud); (al-Nasā‘ī (303H), 1986 - al-Sunan al-Sughrā / al-Mujtabā min al-Sunan) dan lain-lain.

Nota:


Hadith ini merupakan dalil yang sangat jelas bagi penshariatan wakaf. Rasulullah ﷺ mencadangkan agar manfaat tanah tersebut diagihkan dan tanah tersebut ditahan dan dikekalkan bagi tujuan tersebut. Al-Imam Ibn Hajar al-‘Asqalani menyebut di dalam Fath al-Bahri

وَحَدِيثُ عُمَرَ هَذَا أَصْلُ فِي مَشْرُوِّعِيَّةِ الْوَقْفِ

“Dan hadith ‘Umar ﷺ ini adalah merupakan asas bagi penshariatan Wakaf.”

Gambarajah di bawah menggambarkan Wakaf yang dibuat oleh Saidina Umar al-Khattab ﷺ yang menjadi asas bagi penshariatan Wakaf berdasarkan hadith di atas.

Wakaf Saidina Umar al-Khattab ﷺ



Hadith 27: Memberi Minum atau Air adalah Sedekah Yang Terbaik

عَنْ سَعْدِ بْنِ عُبَادَةَ قَالَ :

قُلْتُ : يَا رَسُولَ اللَّهِ ، أَيُّ الصَّدَقَةٍ أَفْضَلُ ؟ قَالَ : ((سَقْيُ الْمَاءِ))

Daripada Sa' d Ibn ' Ubādah ﷺ, beliau berkata:

“Saya berkata: Wahai Rasulullah, apakah sedekah yang paling afdal?. Baginda bersabda: Memberi minum air.”

T: (al-Nasā'i (303H), 1986 - al-Sunan al-Sughrā / al-Mujtabā min al-Sunan), No. 3664, 3665 [Lafaz di atas] & 3666; (Abū Dāwud (275H), 2010 - Sunan Abī Dāwud); (Ibn Mājah (273H), 2010 - Sunan Ibn Mājah); (Ahmad (241H), 1995 - al-Musnad); (Ibn Khuzaymah (311H), - Ṣahīḥ Ibn Khuzaymah); (Ibn Hibbān (354H), 1993 - Ṣahīḥ Ibn Hibbān) dan lain-lain.

27.1 Memberi Minum Seorang Muslim Yang Haus

عَنْ أَبِي سَعِيدٍ قَالَ :

((... وَأَيُّهَا مُسْلِمٌ سَقَى مُسْلِمًا عَلَى ظَمَاءِ سَقَاهُ اللَّهُ مِنَ الرَّحِيقِ الْمَخْتُومِ))

Daripada Abu Sa' id (al-Khudri) ﷺ, beliau meriwayatkan daripada Nabi ﷺ bahawa Baginda bersabda:

“Dan mana-mana Muslim yang memberi minum kepada seorang Muslim yang sedang haus, maka Allah akan memberinya minum dari al-rahiq al-makhtum (salah satu minuman istimewa yang ada di syurga).”

T: (Abū Dāwud (275H), 2010 - Sunan Abī Dāwud), No. 1682 [Lafaz di atas adalah sebahagian petikan daripada hadith]; (al-Tirmidhī (279H), - al-Jāmi' al-Kabīr (Sunan al-Tirmidhī)); (Ahmad (241H), 1995 - al-Musnad); (al-Bayhaqī (458H), 2000 - al-Sunan al-Kubrā) dan lain-lain.

Hadith 28: Memberi Makanan

عَنْ أَبِي سَعِيدٍ قَالَ: عَنِ النَّبِيِّ قَالَ:

((... وَأَكَيْمَا مُسْلِمٍ أَطْعَمَ مُسْلِمًا عَلَى جُوعٍ أَطْعَمَهُ اللَّهُ مِنْ شَارِ الْجَنَّةِ,...))

Daripada Abu Sa' id (al-Khudri) ﷺ, beliau meriwayatkan daripada Nabi ﷺ bahawa Baginda bersabda:

“Dan mana-mana Muslim yang memberi makan kepada seorang Muslim yang sedang lapar, maka Allah akan memberinya makanan dari buah-buahan syurga.”

T: (Abū Dāwud (275H), 2010 - Sunan Abī Dāwud), No. 1682 [Lafaz di atas adalah sebahagian petikan daripada hadith]; (al-Tirmidhī (279H), - al-Jāmi' al-Kabīr (Sunan al-Tirmidhī)); (Ahmad (241H), 1995 - al-Musnad); (al-Bayhaqī (458H), 2000 - al-Sunan al-Kubrā) dan lain-lain.

28.1 Kelebihan Memberi Makanan dan Minuman

عَنْ عَبْدِ اللَّهِ بْنِ عَمْرِو بْنِ الْعَاصِ حَتَّىْ عَنْهُ، قَالَ: قَالَ رَسُولُ اللَّهِ :

((مَنْ أَطْعَمَ أَخَاهُ حُبْزًا حَتَّىْ يُشْبِعَهُ، وَسَقَاهُ مَاءً حَتَّىْ يَرْوِيهُ، بَعْدَهُ اللَّهُ عَنِ النَّارِ سَبْعَ خَنَادِقَ، بُعْدُ مَا بَيْنَ خَنْدَقَيْنِ مَسِيرَةُ حَمْسِيَّةٍ سَنَةٍ)).

Daripada 'Abdullah Ibn 'Amr Ibn al-'As ﷺ, beliau berkata:

Rasulullah ﷺ bersabda:

“Barangsiapa yang memberi makan kepada saudaranya sekeping roti sehingga dia merasa kenyang, dan memberinya minum sehingga dia hilang dahaga, maka Allah akan menjauhkannya dari api neraka sebanyak tujuh khandaq (parit). Dan jauh di antara dua khandaq tersebut adalah sejauh perjalanan lima ratus tahun.”

T:{al-Hakim, 1990 #249}, No. 7228 [Lafaz di atas] dan beliau berkata: (هَذَا) (حَدِيثُ صَحِيفَةِ الْإِسْنَادِ، وَلَمْ يُحَرِّجْ جَاهُهُ) (al-Tabarānī (360H), - al-Mu'jam al-Awsat), No. 6518 dan lain-lain.

28.2 Memberi Makanan kepada Jiran Yang Memerlukan

عَنْ أَنَسِ بْنِ مَالِكٍ رَضِيَ اللَّهُ عَنْهُ ، قَالَ: قَالَ رَسُولُ اللَّهِ ﷺ :
((مَا آمَنَ بِي مَنْ بَاتَ شَبَعاً نَا وَجَارُهُ جَائِعٌ إِلَى جَنْبِهِ وَهُوَ يَعْلَمُ بِهِ))

Daripada Anas Bin Malik رضي الله عنه، beliau berkata: Rasulullah ﷺ bersabda:

“Tidak beriman denganku (dengan iman yang sempurna) seseorang yang tidur dalam keadaan kenyang sedangkan jirannya di sebelahnya tidur dalam keadaan lapar, dan dia mengetahui tentang keadaan (jiran)nya itu.”

T: (al-Tabarānī (360H), - al-Mu'jam al-Kabīr), No. 751 [Lafaz di atas] & (al-Haythamī (807H), 1979 - Kashf al-Astār 'an Zawā'id al-Bazzār), No. 119.

28.3 Jamuan Makan Walimah

عَنْ أَنَسِ بْنِ مَالِكٍ رَضِيَ اللَّهُ عَنْهُ :
أَنَّ النَّبِيَّ ﷺ رَأَى عَلَى عَبْدِ الرَّحْمَنِ بْنِ عَوْفٍ أَثْرَ صُفْرَةٍ، فَقَالَ: ((مَا هَذَا؟))، قَالَ:
يَا رَسُولَ اللَّهِ، إِنِّي تَزَوَّجْتُ امْرَأَةً عَلَى وَزْنِ نَوَافِي مِنْ ذَهَبٍ، قَالَ: ((فَبَارَكَ اللَّهُ لَكَ،
أَوْلَمْ وَلَوْ بِشَاءٍ))

Daripada Anas Ibn Malik رضي الله عنه, beliau meriwayatkan bahawa:

“Sesungguhnya Nabi ﷺ telah melihat pada 'Abd al-Rahman Ibn 'Awf kesan warna kuning, lalu Baginda bertanya: Apakah ini? .

Beliau menjawab: Wahai Rasulullah, sesungguhnya saya telah berkahwin dengan seorang perempuan dengan timbangan biji dari emas. Baginda bersabda: Semoga Allah memberkati kamu, buatlah walimah (jamuan makan perkahwinan) walau dengan seekor kambing.”

T: (Muslim (261H), 2006 - al-Jāmi‘ al-Šahīh / Šahīh Muslim), No. 1427 [Lafaz di atas].

Hadith 29: Memberi Pakaian

عَنْ أَبِي سَعِيدٍ، عَنِ النَّبِيِّ قَالَ:

((أَيُّهَا مُسْلِمٌ كَسَا مُسْلِمًا ثُوَّبَ إِلَيْهِ كَسَاهُ اللَّهُ مِنْ خُضْرِ الْجَنَّةِ ...))

Daripada Abu Sa‘id al-Khudri ﷺ, beliau meriwayatkan bahawa Nabi ﷺ bersabda:

“Mana-mana Muslim yang memberi pakaian kepada seorang Muslim lain yang tidak mempunyai pakaian, maka Allah ﷺ akan memakaikannya dengan pakaian-pakaian hijau dari syurga.”

T: (Abū Dāwud (275H), 2010 - Sunan Abī Dāwud), No. 1682 [Lafaz di atas adalah sebahagian petikan daripada hadith]; (al-Tirmidhī (279H), - al-Jāmi‘ al-Kabīr (Sunan al-Tirmidhī)); (Ahmad (241H), 1995 - al-Musnad); (al-Bayhaqī (458H), 2000 - al-Sunan al-Kubrā) dan lain-lain.

Nota:

Pakaian berwarna hijau disebut sebagai [إِقَامَةُ الصَّفَةِ مَقَامُ الْمَوْصُوفِ].

29.1 Orang Yang Memberi Pakaian Berada di dalam Perlindungan Allah

عَنْ ابْنِ عَبَّاسٍ حَدَّثَنَا قَالَ: سَمِعْتُ رَسُولَ اللَّهِ يَقُولُ: ((مَا مِنْ مُسْلِمٍ كَسَّا مُسْلِمًا ثُوْبًا إِلَّا كَانَ فِي حِفْظٍ مِنَ اللَّهِ مَا دَامَ مِنْهُ عَلَيْهِ خِرْقَةٌ))

Daripada ‘Abdullah Ibn ‘Abbas ﷺ, beliau berkata: Saya telah mendengar Rasulullah ﷺ bersabda:

“Tidak ada seorang Muslim pun yang memberi suatu pakaian kepada seorang Muslim yang lain melainkan dia (si pemberi) akan sentiasa berada di dalam pemeliharaan/ perlindungan Allah selama mana pakaian itu masih dipakainya (bersamanya).”

T: (al-Tirmidhī (279H), - al-Jāmi‘ al-Kabīr (Sunan al-Tirmidhī)), No. 2484 dan beliau berkata: (هَذَا حَدِيثُ حَسَنٍ عَرِيبٌ مِنْ هَذَا الْوَجْهِ); (al-Hakim (405H), 1990 - al-Mustadrak ‘alā al-Sahīhayn), No. 7484; (al-Tabarānī (360H), - al-Mu‘jam al-Kabīr), No. 12591; (al-Bayhaqī (458H), - Shu‘ab al-Imān), No. 6288 dan lain-lain.

Hadith 30: Membuat Kebajikan Sedekah Kepada Haiwan Yang Bernyawa

عَنْ أَبِي هُرَيْرَةَ †، أَنَّ رَسُولَ اللَّهِ † قَالَ:

((بَيْنَمَا رَجُلٌ يَمْشِي بِطَرِيقٍ اسْتَدَّ عَلَيْهِ الْعَطَشُ، فَوَجَدَ بَئْرًا فَنَزَلَ فِيهَا فَشَرِبَ، ثُمَّ خَرَجَ، فَإِذَا كَلْبٌ يَلْهَثُ يَأْكُلُ الشَّرَى مِنَ الْعَطَشِ، فَقَالَ الرَّجُلُ: لَقَدْ بَلَغَ هَذَا الْكَلْبُ مِنَ الْعَطَشِ مِثْلُ الَّذِي كَانَ بَلَغَ مِنِّي، فَنَزَلَ الْبَئْرُ فَمَلَأَ حُفَّهُ مَاءً، ثُمَّ أَمْسَكَهُ بِفِيهِ حَتَّى رَقَى، فَسَقَى الْكَلْبَ، فَشَكَرَ اللَّهُ لَهُ، فَغَفَرَ لَهُ))، قَالُوا: يَا رَسُولَ اللَّهِ، وَإِنَّا لَنَا فِي هَذِهِ الْبَهَائِمِ لَأَجْرًا، فَقَالَ: ((فِي كُلِّ كَبِيرٍ رَطْبَةٍ أَجْرٌ))

Daripada Abu Hurayrah ﷺ, beliau meriwayatkan bahawa sesungguhnya Rasulullah ﷺ bersabda:

“Pernah pada satu ketika ada seorang lelaki yang sedang melalui sebuah jalan dan dia merasa sangat haus. Kemudian dia menjumpai sebuah telaga dan dia turun ke dalamnya dan minum airnya. Setelah itu dia pun keluar, dan dia melihat seekor anjing yang menjelarkan lidahnya dan memakan tanah kerana terlalu haus. Lelaki itu pun berkata: Anjing ini merasa tersangat haus sepertimana aku sebentar tadi. Lalu dia pun turun ke dalam telaga dan memenuhi kasutnya dengan air, dan dia memegangnya dengan mulutnya sehingga dia naik ke atas, dan memberi minum kepada anjing tersebut. Maka Allah ﷺ pun mensyukurinya dan memberi keampunan kepadanya.

Mereka [para sahabat ﷺ] berkata: Wahai Rasulullah, dan adakah bagi kami ganjaran pahala terhadap apa sahaja [kebijakan] yang kami lakukan terhadap haiwan-haiwan ini?

Baginda ﷺ bersabda: “Pada setiap (kebaikan yang dilakukan terhadap) haiwan yang hidup, ada ganjaran pahala.”

T: (al-Bukhārī (256H), 1999 - Ṣahīḥ al-Bukhārī), No. 174, 2363, 2466 & 6009; (Muslim (261H), 2006 - al-Jāmi‘ al-Ṣahīḥ / Ṣahīḥ Muslim), No. 2246 [Lafaz di atas] dan lain-lain.

Hadith 31: Memerdekan Hamba

عَنْ أَبِي هُرَيْرَةَ، عَنْ رَسُولِ اللَّهِ قَالَ:
((مَنْ أَعْقَقَ رَقْبَةً، أَعْقَقَ اللَّهُ بِكُلِّ عُضْوٍ مِنْهَا عُضْوًا مِنْ أَعْضَائِهِ مِنَ النَّارِ، حَتَّىٰ
فَرَجَهُ بِفَرْجِهِ))

Daripada Abu Hurayrah ﷺ, beliau meriwayatkan bahawa Rasulullah ﷺ bersabda:

“Barangsiapa yang memerdekan seorang hamba, maka Allah akan membebaskan dengan setiap anggota badan hamba tersebut anggota yang serupa pada tubuhnya dari api neraka, sehingga kemaluannya (si hamba yang dimerdekan) dengan kemaluannya (orang yang memberi kemerdekaan).”

T: (al-Bukhārī (256H), 1999 - Ṣahīḥ al-Bukhārī), No. 6715 [Lafaz di atas]; (Muslim (261H), 2006 - al-Jāmi‘ al-Ṣahīḥ / Ṣahīḥ Muslim) dan lain-lain.

﴿ TAKAFUL – BANTU-MEMBANTU DI DALAM KESUSAHAN ﴾

Hadith 32: Takāful Ijtīmā’ (Bantu-Membantu Sesama Masyarakat Yang Berada di dalam Kepayahan)

عَنْ جَرِيرٍ رَضِيَ اللَّهُ عَنْهُ، قَالَ:

كُنَّا عِنْدَ رَسُولِ اللَّهِ صَلَّى اللَّهُ عَلَيْهِ وَسَلَّمَ فِي صَدْرِ النَّهَارِ قَالَ فَجَاءَهُ قَوْمٌ حُفَاةُ عُرَاءُ مُجْتَابِ النَّهَارِ أَوْ الْعَبَاءِ مُتَقَلِّدِي السُّيُوفِ عَامَتُهُمْ مِنْ مُضَرِّ بَلْ كُلُّهُمْ مِنْ مُضَرِّ فَتَمَعَرَ وَجْهُ رَسُولِ اللَّهِ صَلَّى اللَّهُ عَلَيْهِ وَسَلَّمَ لِمَا رَأَى بِهِمْ مِنْ الْفَاقَةِ فَدَخَلَ ثُمَّ خَرَجَ فَأَمَرَ بِلَا فَأَذَنَ وَأَقَامَ فَصَلَّى ثُمَّ خَطَبَ فَقَالَ : ((يَا أَيُّهَا النَّاسُ اتَّقُوا رَبَّكُمُ الَّذِي خَلَقَكُمْ مِنْ نَفْسٍ وَاحِدَةٍ إِلَى آخِرِ الْآيَةِ إِنَّ اللَّهَ كَانَ عَلَيْكُمْ رَقِيبًا)) وَالْآيَةُ الَّتِي فِي الْحُسْرِ ((اتَّقُوا اللَّهَ وَلَا تَنْظُرُ نَفْسًا مَا قَدَّمْتَ لِغَدِ وَاتَّقُوا اللَّهَ)) تَصَدَّقَ رَجُلٌ مِنْ دِينَارِهِ مِنْ دِرْهَمِهِ مِنْ ثَوْبِهِ مِنْ صَاعِ بُرْرِهِ مِنْ صَاعِ تَمَرِهِ (حتَّى قَالَ) وَلَوْ بِشَقِّ تَمَرٍ)، قَالَ: فَجَاءَ رَجُلٌ مِنْ الْأَنْصَارِ بِصُرَّةٍ كَادَتْ كَفْهُهُ تَعْجِزُ عَنْهَا بَلْ قَدْ عَجَزَتْ قَالَ ثُمَّ تَبَعَ النَّاسُ حَتَّى رَأَيْتُ كَوْمَيْنِ مِنْ طَعَامٍ وَثِيَابٍ حَتَّى رَأَيْتُ وَجْهَ رَسُولِ اللَّهِ صَلَّى اللَّهُ عَلَيْهِ وَسَلَّمَ يَتَهَلَّلُ كَانَهُ مُذْهَبَةً، فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: ((مَنْ سَنَّ فِي الْإِسْلَامِ سُنَّةً حَسَنَةً فَلَهُ أَجْرُهَا وَأَجْرُ مَنْ عَمِلَ بِهَا بَعْدَهُ مِنْ غَيْرِ أَنْ يَنْقُصَ مِنْ أُجُورِهِمْ شَيْءٌ وَمَنْ سَنَّ فِي الْإِسْلَامِ سُنَّةً سَيِّئَةً كَانَ عَلَيْهِ وِزْرُهَا وَوِزْرُ مَنْ عَمِلَ بِهَا مِنْ بَعْدِهِ مِنْ غَيْرِ أَنْ يَنْقُصَ مِنْ أَوْزَارِهِمْ شَيْءٌ))

Daripada Jarir Ibn Abdullah رضي الله عنهما, beliau berkata:

“Ketika kami sedang berada di sisi Rasulullah ﷺ pada waktu tengahari, maka datanglah satu kaum yang dalam keadaan

tidak beralas kaki dan tidak cukup pakaian, mereka memakai penutup kepala yang terkoyak sambil menggantungkan pedang di badan mereka, kebanyakan mereka adalah dari (qabilah) Mudar, bahkan setiap mereka adalah dari Mudar. Maka berubah wajah Rasulullah ﷺ kerana melihat kesusahan yang mereka hadapi. Maka Rasulullah ﷺ pun memasuki (rumah) dan kemudian keluar serta memerintahkan Bilal ﷺ untuk melakukan azan dan iqamah (Zohor). Setelah itu, Baginda ﷺ (dan para sahabat ﷺ) bersolat. Setelah selesai solat, Baginda ﷺ berkhutbah dan membaca ayat al-Quran (dari Surah al-Nisaa': Ayat 1 dan Surah al-Hashr: Ayat 18).

[1] Wahai sekalian manusia! Bertaqwalah kepada Tuhan kamu yang telah menjadikan kamu (bermula) dari diri yang satu (Adam), dan yang menjadikan daripada (Adam) itu pasangannya (isterinya – Hawa), dan juga yang membiakkan dari keduanya – zuriat keturunan – lelaki dan perempuan yang ramai. Dan bertaqwalah kepada Allah yang kamu selalu meminta dengan menyebut-yebut namaNya, serta peliharalah hubungan (silaturrahim) kaum kerabat; kerana sesungguhnya Allah sentiasa memerhati (mengawas) kamu.

[18] Wahai orang-orang yang beriman! Bertaqwalah kepada Allah (dengan mengerjakan suruhanNya dan meninggalkan laranganNya); dan hendaklah tiap-tiap diri melihat dan memerhatikan apa yang ia telah sediakan (dari amal-amalnya) untuk hari esok (hari akhirat). Dan (sekali lagi diingatkan): Bertaqwalah kepada Allah, sesungguhnya Allah Amat Meliputi PengetahuanNya akan segala yang kamu kerjakan.

(Serta bersabda):

“Bersedekahlah seseorang itu daripada dinarnya, daripada dirhamnya, daripada pakaianya, daripada segantang gandumnya, daripada segantang tamarnya, (sehingga Baginda ﷺ bersabda) walaupun dengan sebahagian daripada sebiji tamarnya.”

Maka orang ramai agak perlahan untuk mula bersedekah. Maka datanglah seorang lelaki daripada Ansar dengan satu kantung yang hampir-hampir tidak mampu dipegang dengan tapak tangannya. Maka setelah itu, orang ramai pun terus bersedekah secara berterusan sehingga terkumpulnya dua longgokan besar pakaian dan makanan dan sehingga aku telah melihat wajah Rasulullah ﷺ berseri-seri seolah-olah bekas yang bersinar. Maka Baginda ﷺ pun bersabda:

“Barangsiapa yang mencipta di dalam Islam satu sunnah yang baik, maka dia memperolehi pahalanya dan pahala orang-orang yang beramal dengannya (sunnah tersebut) selepasnya tanpa mengurangkan sedikit pun daripada pahala-pahala mereka. Dan barangsiapa mencipta satu sunnah yang buruk, maka dia memperolehi dosanya dan dosa orang-orang yang beramal dengan sunnah (yang buruk) tersebut selepasnya tanpa mengurangkan sedikit pun dosa-dosa mereka.” Daripada

T: (Muslim (261H), 2006 - al-Jāmi‘ al-Ṣahīḥ / Ṣahīḥ Muslim), No.1020 [Lafaz di atas].

Hadith 33: *Tanāhud* (Berkongsi Nafkah Ketika Dalam Keadaan Susah)

عَنْ أَبِي مُوسَىٰ، قَالَ: قَالَ النَّبِيُّ ﷺ :

((إِنَّ الْأَشْعَرِيَّينَ إِذَا أَرْمَلُوا فِي الْغَزْوِ أَوْ قَلَّ طَعَامُ عِيَالِهِمْ بِالْمَدِينَةِ جَمَعُوا مَا كَانَ عِنْدَهُمْ فِي ثُوبٍ وَاحِدٍ، ثُمَّ اقْتَسَمُوهُ بَيْنَهُمْ فِي إِنَاءٍ وَاحِدٍ بِالسَّوِيَّةِ، فَهُمْ مِنِّي وَأَنَا مِنْهُمْ))


Daripada Abū Mūsā (al-Ash'arī) ﷺ, beliau berkata: Nabi ﷺ bersabda:

“Sesungguhnya ahli keluarga al-Ash'ariyyin itu apabila bekalan makanan mereka hampir kehabisan di dalam perang atau makanan keluarga mereka menjadi sedikit di Madinah, mereka akan mengumpulkan apa yang ada di sisi mereka di dalam satu pakaian dan kemudiannya membahagikannya di kalangan mereka di dalam bekas yang satu dengan sama rata.

Aku adalah daripada mereka dan mereka adalah daripadaku (tanda kerelaan Baginda ﷺ terhadap amalan ini).”

T: (al-Bukhārī (256H), 1999 - Ṣaḥīḥ al-Bukhārī), No. 2486 [Lafaz di atas]; (Muslim (261H), 2006 - al-Jāmi' al-Ṣaḥīḥ / Ṣaḥīḥ Muslim), No. 2504; (Abu 'Awanah (316H), 1998 - Mustakhraj Abi 'Awanah), No. 7407; (al-Nasā'i (303H), 1986 - al-Sunan al-Kubrā), No. 8747; (al-Bayhaqī (458H), 2000 - al-Sunan al-Kubrā), No. 18812; (Abū Ya'lā al-Mawṣilī (307H), 1992 - Musnad Abī Ya'lā al-Mawṣilī), No. 7309 dan lain-lain.

Tanāhud (Berkongsi Nafkah Ketika Dalam Keadaan Susah)



﴿ IBADAT HARTA BERKAITAN PUSAKA DAN PEWARIS ﴾

Hadith 34: Bertabarru ‘ Melalui Wasiat

عَنْ أَبِي هُرَيْرَةَ †، قَالَ: قَالَ رَسُولُ اللَّهِ † :

((إِنَّ اللَّهَ تَصَدَّقَ عَلَيْكُمْ إِنَّدَ وَفَاتِكُمْ بِشُلُثٍ أَمْوَالِكُمْ زِيَادَةً لَكُمْ فِي أَعْمَالِكُمْ))

Daripada Abu Hurayrah †, beliau berkata: Rasulullah † bersabda:

“Sesungguhnya Allah † bersedekah ke atas kamu ketika kamu akan meninggal dunia dengan (memberi kamu peluang untuk bertabarru ‘ / bersedekah dengan) satu pertiga dari harta kamu, (bagi menjadi) tambahan bagi kamu dalam amalan-amalan (soleh) kamu.”

T: (Ibn Mājah (273H), 2010 - Sunan Ibn Mājah), No. 2709 [Lafaz di atas]; (al-Bayhaqī (458H), 2000 - al-Sunan al-Kubrā); (al-Bayhaqī (458H), 2001 - Ma‘rifat al-Sunan wa al-Athār); (al-Tahawi (321H), - Sharh Ma‘ani al-Athar); (Malik (179H), 1998 - al-Mudawwanah al-Kubra); (Ibn Hazm al-Zahiri (456H), - al-Muhalla bi al-Athar); (Abū Nu‘aym al-Asbahānī (430H), 1409H - Ḥilyat al-Awliyā’ wa Ṭabaqāt al-Asfiyā’) & (al-Khatib al-Baghdadi (463H), 2001 - Tarikh Baghdad).

Hadith 35: Membahagikan Fara'id

عَنْ أَبْنِ عَبَّاسٍ حَدَّثَنَا، عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ:

((أَلْحِقُوا الْفَرَائِضَ بِأَهْلِهَا فَمَا بَقِيَ فَهُوَ لِأَوْلَى رَجُلٍ ذَكَرٍ))

Daripada Abdullah Ibn 'Abbas رضي الله عنهما, beliau meriwayatkan bahawa Baginda Nabi ﷺ bersabda:

“Berikanlah bahagian-bahagian yang telah difardukan kepada ahlinya/pemiliknya (*ashāb al-furūq*) terlebih dahulu, dan apa yang tertinggal (berbaki) ialah bagi lelaki yang paling utama (secara *taṣṣīb*).”

T: (al-Bukhārī (256H), 1999 - Ṣahīḥ al-Bukhārī), No. 6732 [Lafaz di atas]; (Muslim (261H), 2006 - al-Jāmi' al-Ṣahīḥ / Ṣahīḥ Muslim) dan lain-lain.

Di dalam riwayat yang lain:

إِقْسِمُوا الْمَالَ بَيْنَ أَهْلِ الْفَرَائِضِ عَلَى كِتَابِ اللَّهِ، فَمَا تَرَكَتِ الْفَرَائِضُ، فَلِأَوْلَى رَجُلٍ ذَكَرٍ

“Bahagikanlah harta di antara pemilik bahagian mengikut kitab Allah (al-Qur'an). Maka, apa yang tertinggal daripada baki lebihan pembahagian ialah bagi lelaki yang paling utama.”

T: (Muslim (261H), 2006 - al-Jāmi' al-Ṣahīḥ / Ṣahīḥ Muslim), No. 1616.

Nota:

Dan ada athar yang menyebut:

إِنَّ مَنْ يُفْرِضُ الْفَرِيَضَةَ فَكَاتَمًا يُعْتَقُ رَقَبَةً

“Sesungguhnya barangsiapa yang membuat pembahagian (harta warisan), maka dia seolah-olah sedang membebaskan seorang hamba.”

Hadith 36: Meninggalkan Waris Dengan Bekalan Harta

عَنْ سَعْدِ بْنِ أَبِي وَقَاصٍ رَضِيَ اللَّهُ عَنْهُ، قَالَ:

مَرِضْتُ مَرِضًا أَشْفَيْتُ مِنْهُ، فَأَتَانِي رَسُولُ اللَّهِ يَعُوذُنِي، فَقُلْتُ: يَا رَسُولَ اللَّهِ، إِنَّ لِي مَالًا كَثِيرًا وَلَيْسَ يَرِثُنِي إِلَّا ابْنَتِي، أَفَأَتَصَدِّقُ بِشُثُّي مَالِي؟ قَالَ: ((لَا)), قُلْتُ: فَاللَّهُشَّرْ؟ قَالَ: ((لَا)), قُلْتُ: فَاللُّثُّ؟ قَالَ: ((اللُّثُّ، وَاللُّثُّ كَثِيرٌ، إِنَّكَ أَنْ تَرُوكَ وَرَثَتَكَ أَغْنِيَاءَ خَيْرٍ لَهُمْ مِنْ أَنْ تَرُوكُهُمْ عَالَةً يَتَكَفَّفُونَ النَّاسَ))

Daripada Sa'ad ibn Abi Waqqas رضي الله عنه, beliau berkata:

“Saya telah jatuh sakit sehingga saya merasakan saya hampir mati kerananya (sakit yang teruk), maka Baginda Rasulullah صلوات الله عليه وسلم telah datang melawat saya. Saya pun berkata: Wahai Rasulullah, sesungguhnya saya mempunyai harta yang banyak, dan tidak ada yang akan mewarisi saya melainkan seorang anak perempuan saya, adakah patut saya bersedekah dengan dua pertiga harta saya?. Baginda menjawab: Tidak. Saya berkata: Jika satu perdua?. Baginda menjawab: Tidak. Saya berkata: Jika satu pertiga?.

Baginda pun bersabda: Satu pertiga (dibolehkan), dan satu pertiga itu sudah banyak. Sesungguhnya jika engkau meninggalkan para pewarismu dalam keadaan kaya adalah lebih baik bagi kamu daripada kamu meninggalkan mereka

adalah keadaan miskin/ tiada tempat pergantungan sehingga mereka terpaksa meminta-minta daripada orang lain.”

T: (al-Nasā‘ī (303H), 1986 - al-Sunan al-Sughrā / al-Mujtabā min al-Sunan), No. 3626 [Lafaz di atas]; (al-Bukhārī (256H), 1999 - Ṣahīḥ al-Bukhārī); (Muslim (261H), 2006 - al-Jāmi‘ al-Ṣahīḥ / Ṣahīḥ Muslim); (al-Tirmidhī (279H), - al-Jāmi‘ al-Kabīr (Sunan al-Tirmidhī)); (Abū Dāwud (275H), 2010 - Sunan Abī Dāwud) dan lain-lain.

﴿IBADAT HARTA DAN HUKUMAN﴾

Hadith 37: Kaffarah Sumpah (*Kaffārat al-Yamīn*) dan Nazar

عَنْ عَدِيٍّ ، قَالَ: قَالَ رَسُولُ اللَّهِ ﷺ : ((إِذَا حَلَفَ أَحَدُكُمْ عَلَى الْيَمِينِ فَرَأَى خَيْرًا مِنْهَا، فَلْيُكَفِّرْهَا وَلْيَأْتِ الَّذِي هُوَ خَيْرٌ))

Daripada ‘Adī Ibn Ḥātim ﷺ, beliau berkata: Rasulullah ﷺ bersabda:

“Apabila salah seorang daripada kamu melakukan sumpah (untuk melakukan sesuatu perkara), kemudian dia melihat (berpandangan) perkara lain adalah lebih baik daripadanya (perkara yang dijadikan sumpah), maka hendaklah dia melakukan kaffarah bagi sumpahnya dan hendaklah dia mendatangi (melakukan) perkara yang lebih baik itu.”

T: (Muslim (261H), 2006 - al-Jāmi‘ al-Ṣahīḥ / Ṣahīḥ Muslim), No. 1651, 1652 & 1653 [Lafaz di atas]; (al-Nasā‘ī (303H), 1986 - al-Sunan al-Sughrā / al-Mujtabā min al-Sunan); (Ibn Mājah (273H), 2010 - Sunan Ibn Mājah); (al-Dārimī (255H), 2000 - Sunan al-Dārimī); (Ahmad (241H), 1995 - al-Musnad) dan lain-lain.

Nota:

Kaffarah sumpah ada 4 cara - tiga secara pilihan (*takhyir*), dan yang ke-4 hanya dilakukan apabila 3 pilihan utama tidak dapat dilakukan – adalah berikut:

1. Memberi makan sehingga kenyang kepada sepuluh (10) orang fakir miskin [Sebahagian fatwa membenarkan dibayar dengan nilai wang tempatan]; atau

2. Memberi pakaian kepada sepuluh (10) orang fakir miskin; atau
3. Membebaskan seorang hamba [namun, tiada pada hari ini]. Jika tidak mampu, maka:
4. Berpuasa sebanyak tiga (3) hari.

37.1 Kaffarah Nazar adalah Sama Seperti Kaffarah Sumpah

عَنْ عُقْبَةَ بْنِ عَامِرٍ، عَنْ رَسُولِ اللَّهِ، قَالَ:

((كَفَّارَةُ النَّذْرِ كَفَّارَةُ الْيَمِينِ))

Daripada ‘Uqbah Ibn ‘Āmir ﷺ, beliau meriwayatkan bahawa sesungguhnya Rasulullah ﷺ bersabda:

“Kaffarah nazar adalah seperti kaffarah sumpah.”

T: (Muslim (261H), 2006 - al-Jāmi‘ al-Šahīh / Šahīh Muslim), No. 1646; (Abū Dāwud (275H), 2010 - Sunan Abī Dāwud); (al-Nasā‘ī (303H), 1986 - al-Sunan al-Sughrā / al-Mujtabā min al-Sunan); (Ahmad (241H), 1995 - al-Musnad) dan lain-lain.

Di dalam riwayat al-Imam al-Tirmidhi, lafaznya berbunyi:

((كَفَّارَةُ النَّذْرِ إِذَا لَمْ يُسَمَّ كَفَّارَةُ يَمِينٍ))

“Kaffarah nazar, jika tidak disebut (ketika melakukan nazar), maka ia adalah (seperti) kaffarah sumpah.”

T: (al-Tirmidhī (279H), - al-Jāmi‘ al-Kabīr (Sunan al-Tirmidhī)), No. 1528 dan beliau berkata: (هَذَا حَدِيثٌ حَسَنٌ صَحِيحٌ غَرِيبٌ).

Hadith 38: Membayar *Kaffārah* ‘Uzmā Kerana Melanggar Larangan Bersetubuh Ketika Berpuasa Ramadan

عَنْ أَبِي هُرَيْرَةَ :

أَنَّ رَجُلًا وَقَعَ بِأَمْرِ أَتِهِ فِي رَمَضَانَ، فَاسْتَفْتَى رَسُولَ اللَّهِ عَنْ ذَلِكَ، فَقَالَ: ((هَلْ تَحْدُدُ رَقَبَةً؟))، قَالَ: لَا، قَالَ: ((وَهُلْ تَسْتَطِيعُ صِيَامَ شَهْرَيْنِ؟))، قَالَ: لَا، قَالَ: ((فَأَطْعِمْ سِتِّينَ مِسْكِينًا))

Daripada Abu Hurayrah ﷺ, beliau meriwayatkan bahawa:

“Sesungguhnya ada seorang lelaki yang telah menyetubuhinya pada (siang) Ramadan, lalu dia datang meminta fatwa daripada Rasulullah ﷺ tentang perkara tersebut. Baginda pun bertanya: Adakah kamu mempunyai seorang hamba (untuk dibebaskan)?, dia menjawab: Tidak. Baginda bertanya lagi: Adakah kamu mampu untuk berpuasa dua bulan (berturut-turut)?, dia menjawab: Tidak. Baginda pun bersabda: Maka berilah makan kepada enam puluh (60) orang miskin.”

T: (Muslim (261H), 2006 - al-Jāmi‘ al-Šahīh / Šahīh Muslim), No. 1112/1878 – Lafaz di atas; (al-Bukhārī (256H), 1999 - Šahīh al-Bukhārī); (al-Tirmidhī (279H), - al-Jāmi‘ al-Kabīr (Sunan al-Tirmidhī)); (Abū Dāwud (275H), 2010 - Sunan Abī Dāwud); (Ibn Mājah (273H), - Sunan Ibn Mājah); (al-Dārimī (255H), - Sunan al-Dārimī); (Ahmad (241H), 1995 - al-Musnad) dan lain-lain.

38.1 Membayar *Kaffārah* ‘Uzmā Kerana Melanggar Larangan Bersetubuh Ketika Berpuasa Ramadan (B)

عَنْ أَبِي هُرَيْرَةَ رض، قَالَ:

جَاءَ رَجُلٌ إِلَى النَّبِيِّ صل فَقَالَ: هَلْ كُنْتُ يَا رَسُولَ اللَّهِ، قَالَ: ((وَمَا أَهْلَكَكَ؟))، قَالَ: وَقَعْتُ عَلَى امْرَأٍ فِي رَمَضَانَ، قَالَ: ((هَلْ تَحْدُ مَا تُعْتَقُ رَقَبَةً؟))، قَالَ: لَا، قَالَ: ((فَهَلْ تَسْتَطِعُ أَنْ تَصُومَ شَهْرَيْنِ مُتَتَابِعَيْنِ؟))، قَالَ: لَا. قَالَ: ((فَهَلْ تَحْدُ مَا تُطْعِمُ سِتِّينَ مِسْكِينًا؟))، قَالَ: لَا، قَالَ: ثُمَّ جَلَسَ فَأُقِيَ النَّبِيُّ صل بِعَرَقٍ فِيهِ تَمْرٌ، فَقَالَ: ((تَصَدَّقْ بِهَذَا))، قَالَ: أَفْقَرَ مِنَّا فَمَا بَيْنَ لَابْتِيَهَا أَهْلُ بَيْتِ أَخْوَجٍ إِلَيْهِ مِنَّا، فَضَحِّكَ النَّبِيُّ صل حَتَّى بَدَّتْ أَنْيَابُهُ ثُمَّ قَالَ: ((اذْهَبْ فَأَطْعِمْهُ أَهْلَكَ)).

Daripada Abu Hurayrah رض, beliau meriwayatkan bahawa:

“Seorang lelaki telah datang kepada Nabi ﷺ dan berkata: Diri saya telah rosak/musnah, wahai Rasulullah. Baginda bersabda: Apakah yang telah merosakkan kamu?, dia menjawab: Saya telah menyetubuh isteri saya di bulan Ramadan. Baginda bersabda: Adakah kamu mempunyai kemampuan untuk memerdekaan seorang hamba?, dia menjawab: Tidak. Baginda bersabda lagi: Adakah kamu mampu untuk berpuasa dua bulan secara berturut-turut?, dia menjawab: Tidak. Baginda bersabda: Adakah kamu mempunyai kemampuan untuk memberi makan kepada enam puluh (60) orang miskin?, dia menjawab: Tidak. (Perawi) berkata: Kemudian dia pun duduk. Setelah itu, Rasulullah ﷺ didatangkan (dihadiahkan) dengan satu bekas yang terdapat tamar di dalamnya dan Baginda bersabda: Berilah sedekah dengan (bekas tamar) ini, dia berkata: Untuk

seseorang yang lebih faqir daripada kami?, tidak ada di antara dua sempadan kawasan (Madinah) ini sebuah isi rumah yang lebih berhajat daripada kami. Maka Baginda Nabi ﷺ tersenyum sehingga kelihatan gigi taring Baginda yang mulia, kemudian Baginda bersabda: Pergilah, dan berikanlah keluarga kamu makan makanan ini.”

T: (Muslim (261H), 2006 - al-Jāmi‘ al-Šahīh / Šahīh Muslim), No. 1112/1877 – Lafaz di atas; (al-Bukhārī (256H), 1999 - Šahīh al-Bukhārī); (al-Tirmidhī (279H), - al-Jāmi‘ al-Kabīr (Sunan al-Tirmidhī)); (Abū Dāwud (275H), 2010 - Sunan Abī Dāwud); (Ibn Mājah (273H), - Sunan Ibn Mājah); (al-Dārimī (255H), - Sunan al-Dārimī); (Ahmad (241H), 1995 - al-Musnad) dan lain-lain.

Nota:

Seseorang mukallaf yang berpuasa, dan berjima’ pada siang hari bulan Ramadan sehingga mendatangi faraj, dengan kemaluannya, dengan sengaja, rela tidak dipaksa, mengetahui pengharamannya, serta telah berniat pada malam hari untuk berpuasa pada siang hari tersebut, maka: dia berdosa kerana membatalkan puasanya, wajib mengqada’kan puasanya serta melaksanakan kaffarah kubra.

Penerangan di atas memberi maksud bahawa:

- Pihak yang diwati’ (disetubuhi) tidak wajib ke atasnya kaffarah kubra sama ada dia perempuan atau lelaki; sama ada dia penyebab berlakunya wat’ (persetubuhan) tersebut atau secara rela diwati’;
- Lelaki yang mewati’ faraj dalam keadaan lupa atau dipaksa atau jahil berkenaan pengharaman wat’ tersebut dengan kejahilan yang diuzurkan tidak diwajibkan ke atasnya kaffarah. Namun begitu, sekiranya dia hanya jahil berkenaan kewajipan kaffarah kubra semata-mata (iaitu tahu

pengharaman wat' di siang Ramadan bagi yang berpuasa), maka wajib jua kaffarah kubra ke atasnya.

- Seseorang yang tidak berpuasa dan berbuka di siang hari Ramadan dengan keuzuran yang dibenarkan seperti sakit atau musafir dan berjima' pada siang hari tersebut, maka tidak diwajibkan kaffarah ke atasnya.
- Begitu juga sekiranya seseorang itu berbuka dengan makan atau minum dengan sengaja terlebih dahulu dan kemudiannya dia berjima', maka tidak diwajibkan kaffarah kubra ke atasnya kerana dia berjima' dalam keadaan tidak berpuasa.

Hadith 39: Fidyah Puasa

عَنْ ابْنِ عُمَرَ رَضِيَ اللَّهُ عَنْهُمَا، عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ:

((مَنْ مَاتَ وَعَلَيْهِ صِيَامُ شَهْرٍ فَلْيُطْعَمْ عَنْهُ مَكَانَ كُلُّ يَوْمٍ مِسْكِينًا))

Daripada 'Abdullah Ibn 'Umar رضي الله عنهما, beliau meriwayatkan bahawa Nabi ﷺ bersabda:

“Barangsiapa yang meninggal dunia dan dia masih mempunyai kewajipan puasa bulan (Ramadan) yang belum ditunaikan, maka hendaklah diberi makan untuk pihaknya sebagai ganti bagi setiap hari seorang miskin.”

T: (al-Tirmidhī (279H), - al-Jāmi' al-Kabīr (Sunan al-Tirmidhī)), No. 718 [Lafaz di atas]; (Ibn Mājah (273H), 2010 - Sunan Ibn Mājah); (Ibn Khuzaymah (311H), - Ṣahīḥ Ibn Khuzaymah); (al-Bayhaqī (458H), 2000 - al-Sunan al-Kubrā) dan lain-lain.

Nota:

Apabila seseorang itu meninggal dunia dan dia meninggalkan kewajipan qada' puasa sama ada puasa Ramadan atau nazar atau kaffarah, maka ia terbahagi kepada dua keadaan:

Keadaan pertama: Uzur baginya menangguhkan qada' puasanya itu berterusan sehingga kematiannya dan dia tidak mempunyai peluang untuk melakukan qada' tersebut, maka tidak diwajibkan apa-apa ke atasnya sama ada qada' atau fidyah.

Keadaan kedua: Keuzurannya itu tidak berterusan dan dia telah mempunyai peluang untuk melakukan qada' tetapi dia tidak melakukannya sehingga kewafatannya, maka para ulama' berbeza pandangan berkenaan hal ini:

1. Pandangan yang paling sahih dan jadid dalam mazhab Shafi'i, Hanafiyah, Malikiyyah dan mazhab di sisi Hanabilah (Majoriti ulama'): Tidak dilakukan puasa bagi pihak si mati tetapi dibayar fidyah baginya.
2. Pandangan qadim di sisi Shafi'iyyah dan pilihan Imam al-Nawawi di dalam al-Majmu' serta pandangan Abu al-Khattab dari Hanabilah: Diharuskan bagi walinya berpuasa bagi pihaknya, dan ianya dikira sah dan boleh menggantikan kewajipan fidyah, serta dhimmah si mati boleh bebas dengan gantian tersebut. Bahkan, ia adalah pilihan bagi wali si mati sama ada untuk berpuasa ganti atau melaksanakan fidyah.

Golongan yang perlu membayar fidyah adalah seperti di dalam jadual di bawah:

Hukum	Keadaan
Harus Berbuka serta Wajib Qada' dan Fidyah	<ul style="list-style-type: none"> • Perempuan yang mengandung (<i>al-hamil</i>) atau yang sedang menyusukan anaknya dengan susu badan (<i>al-murdi'</i>) yang takutkan keselamatan kandungan atau anaknya semata-mata. • Orang yang berbuka dengan tujuan untuk menyelamatkan binatang atau manusia yang hampir mati dan takutkan keselamatan mereka semata-mata. • Orang yang menangguhkan Qada' puasa Ramadan sehingga ke Ramadan yang baru tanpa keuzuran.
Berbuka Yang Mewajibkan Fidyah tanpa Qada'	<ul style="list-style-type: none"> • Orang tua atau pesakit yang tidak diharapkan kesembuhannya. • Seseorang yang wafat sedangkan dia masih mempunyai kewajipan puasa yang tidak dilaksanakan, maka dia mempunyai dua kemungkinan: <ul style="list-style-type: none"> ◦ Dia meninggalkan puasa kerana keuzuran dan tidak juga dapat melaksanakan qada'

puasa kerana uzurnya yang berterusan, maka dia dikira tidak berdosa dan warisnya tidak wajib membayar fidyah.

- (i) Dia meninggalkan puasa kerana keuzuran dan dia berkesempatan untuk melakukan Qada', akan tetapi dia wafat sebelum sempat melakukannya, atau (ii) dia meninggalkan puasa tanpa keuzuran, namun dia tidak berkesempatan melakukan Qada', atau (iii) dia meninggalkan puasa tanpa keuzuran, namun dia berkesempatan melakukan Qada', maka dalam ketiga-tiga keadaan ini, warisnya wajib membayar fidyah bagi setiap hari yang tidak diqada' dari harta peninggalan si mati.

Hadith 40: Qisas, Diyat Mughallazah dan Diyat

عَنْ عَمْرِو بْنِ حَزْمٍ :

أَنَّ رَسُولَ اللَّهِ ﷺ كَتَبَ إِلَى أَهْلِ الْيَمَنِ كِتَابًا فِيهِ الْفَرَائِضُ وَالسُّنْنُ وَالدِّيَاتُ، وَبَعَثَ بِهِ مَعَ عَمْرِو بْنِ حَزْمٍ، فَقُرِئَتْ عَلَى أَهْلِ الْيَمَنِ هَذِهِ نُسْخَتُهَا: ((مِنْ مُحَمَّدِ النَّبِيِّ ﷺ إِلَى شُرَحِيلَ بْنِ عَبْدِ كُلَّالٍ، وَنُعَيْمَ بْنِ عَبْدِ كُلَّالٍ، وَالْحَارِثَ بْنِ عَبْدِ كُلَّالٍ، قَيْلِ ذِي رُعَيْنِ وَمَعَافِرَ، وَهَمْدَانَ أَمَّا بَعْدُ، وَكَانَ فِي كِتَابِهِ: ((أَنَّ مَنِ اعْتَبَطَ مُؤْمِنًا قُتِلَّاً عَنْ بَيْنِهِ، فَإِنَّهُ قَوْدٌ إِلَّا أَنْ يَرْضَى أُولَيَاءُ الْمُقْتُولِ، وَأَنَّ فِي النَّفْسِ الدِّيَةَ مِائَةً مِنَ الْإِبْلِ، وَفِي الْأَنْفِ إِذَا أُوْعِبَ جَذْعُهُ الدِّيَةُ، وَفِي الْلِّسَانِ الدِّيَةُ، وَفِي الشَّفَتَيْنِ الدِّيَةُ، وَفِي الْبَيْضَتَيْنِ الدِّيَةُ، وَفِي الذَّكَرِ الدِّيَةُ، وَفِي الصُّلْبِ الدِّيَةُ، وَفِي الْعَيْنَيْنِ الدِّيَةُ، وَفِي الرَّجْلِ الْوَاحِدَةِ نِصْفُ الدِّيَةِ، وَفِي الْمَأْمُومَةِ ثُلُثُ الدِّيَةِ، وَفِي الْجَاهِفَةِ ثُلُثُ الدِّيَةِ، وَفِي الْمُنْقَلَةِ خَمْسَ عَشْرَةَ مِنَ الْإِبْلِ، وَفِي كُلِّ أُصْبِعٍ مِنْ أَصَابِعِ الْيَدِ وَالرَّجْلِ عَشْرُ مِنَ الْإِبْلِ، وَفِي السَّنْ خَمْسُ مِنَ الْإِبْلِ، وَفِي الْمُوْضِحَةِ خَمْسُ مِنَ الْإِبْلِ، وَأَنَّ الرَّجُلَ يُقْتَلُ بِالْمُرَأَةِ وَعَلَى أَهْلِ الذَّهَبِ أَلْفُ دِينَارٍ))

Daripada ‘Amr Ibn Hazm ﷺ, beliau meriwayatkan bahawa:

“Sesungguhnya Rasulullah telah menulis kepada penduduk Yaman sebuah surat yang menerangkan padanya perkara-perkara fara’id, sunnah-sunnah dan diyat-diyat, dan Baginda mengutuskannya bersama ‘Amr Ibn Hazm dan ia dibacakan kepada penduduk Yaman, dan inilah salinannya:

Daripada Nabi Muhammad ﷺ kepada Shurahbil Ibn ‘Abd Kulal, Nu ‘aym Ibn ‘Abd Kulal, al-Harith Ibn ‘Abd Kulal, Qayl Dhi

Ru'ayn, Ma'afir dan Hamdan, adapun selepas itu, dan di dalam surat Baginda itu:

Sesungguhnya barangsiapa yang membunuh dengan sengaja seorang mukmin maka dia perlu diqisas melainkan ahli keluarga si mati memberi kemaafan. Dan pada pembunuhan seseorang, diyatnya adalah seratus ekor unta. Dan pada hidung apabila dipotong habis, ada diyat; dan pada lidah, ada diyat, dan pada dua bibir, ada diyat; dan pada dua telur, ada diyat; dan pada zakar, ada diyat; dan pada tulang sulbi/belakang, ada diyat; dan pada kedua-dua mata, ada diyat; dan pada satu kaki, separuh diyat; dan pada ma'mumah, satu pertiga diyat; dan pada ja'ifah, satu pertiga diyat; dan pada munaqqilah, lima belas (15) unta; dan pada setiap satu jari tangan dan kaki, sepuluh unta; dan pada gigi, lima unta; dan pada mudihah, lima unta; dan sesungguhnya lelaki itu dibunuh kerana membunuh wanita; dan ke atas pemilik emas, seribu dinar.”

T: (al-Nasā'ī (303H), 1986 - al-Sunan al-Sughrā / al-Mujtabā min al-Sunan), No. 4853 [Lafaz di atas].

40.1 al-Qatl al-Khata': Diyah Mukhaffafah dan Kaffarah

عَنْ عَبْدِ اللَّهِ بْنِ عَمْرُو حَفَظَنَا :

أَنَّ رَسُولَ اللَّهِ ﷺ قَضَى أَنَّ مَنْ قُتِلَ خَطَأً فِي نَيْمَةٍ مِائَةً مِنَ الْإِبْلِ : ثَلَاثُونَ بِنْتَ حَاضِرٍ ، وَثَلَاثُونَ بِنْتَ لَبُونٍ ، وَثَلَاثُونَ حِقَّةً ، وَعَشْرَةُ بَنِي لَبُونٍ ذَكَرٍ " .

Daripada 'Abdullah Ibn 'Amr حَفَظَنَا, beliau meriwayatkan bahawa:

“Sesungguhnya Rasulullah ﷺ telah memutuskan bahawa barangsiapa yang terbunuh secara tersalah, maka diyatnya adalah seratus ekor unta: tiga puluh bint makhad, tiga puluh bint labun, tiga puluh hiqqah dan sepuluh bani labun jantan.”

T: (Abū Dāwud (275H), 2010 - Sunan Abī Dāwud), No. 4541 [Lafaz di atas].

Nota: Diyat:

sejumlah harta atau wang yang wajib dibayar oleh penjenayah kepada wali atau ahli waris mangsanya sebagai pampasan disebabkan melakukan sesuatu jenayah yang melibatkan nyawa (kematian) atau kehilangan akal atau kecederaan anggota-anggota badan atau kehilangan fungsi anggota-anggota tersebut.

40.2 al-Qatl Shibh al-‘Amd: Diyat Mughallazah dan Kaffarah

عَنْ عَبْدِ اللَّهِ بْنِ عَمْرِو حَمَدَ اللَّهَ عَنْهُ وَسَلَّمَ أَنَّ النَّبِيَّ صَلَّى اللَّهُ عَلَيْهِ وَسَلَّمَ قَالَ:
((عَقْلٌ شِبْهٌ الْعَمْدٌ مُغَلَّظٌ مِثْلُ عَقْلِ الْعَمْدٍ وَلَا يُقْتَلُ صَاحِبُهُ))

Daripada ‘Abdullah Ibn ‘Amr حَمَدَ اللَّهَ عَنْهُ وَسَلَّمَ, beliau meriwayatkan bahawa sesungguhnya Nabi صَلَّى اللَّهُ عَلَيْهِ وَسَلَّمَ bersabda:

“Tanggungan ke atas pembunuhan yang menyerupai pembunuhan sengaja adalah berat (mughallaz) seperti pembunuhan sengaja tetapi pelakunya tidak dihukum bunuh.”

T: (Abū Dāwud (275H), 2010 - Sunan Abī Dāwud), No. 4565 [Lafaz di atas].

Nota:

Diyat Mughallazah dan Mukhaffafah Serta Kadarnya

Bil.	Jenis Diyat	Kadar Diyat
1	Mughallazah	<p>100 ekor unta yang terdiri daripada:</p> <ol style="list-style-type: none"> 1. 30 ekor unta <i>hiqqah</i> (berumur 3 tahun masuk tahun ke 4) 2. 30 ekor unta <i>jadha 'ah</i> (berumur 4 tahun masuk tahun ke 5) 3. 40 ekor unta <i>khalifah</i> (yang sedang bunting) <p>ATAU</p> <ol style="list-style-type: none"> 1. 25 ekor unta <i>bint makhad</i> (unta yang berumur 1 tahun, masuk tahun ke 2) 2. 25 ekor unta <i>bint labun</i> (unta yang berumur 2 tahun, masuk tahun ke 3) 3. 25 ekor unta <i>hiqqah</i> (unta yang berumur 3 tahun, masuk tahun ke 4) 4. 25 ekor unta <i>jadha 'ah</i> (unta yang berumur 4 tahun, masuk tahun ke 5)
2	Mukhaffafah	<p>100 ekor unta yang terdiri daripada:</p> <ol style="list-style-type: none"> 1. 20 ekor unta <i>jadha 'ah</i> (unta yang berumur 4 tahun, masuk tahun ke 5) 2. 20 ekor unta <i>hiqqah</i> (unta yang berumur 3 tahun, masuk tahun ke 4) 3. 20 ekor unta <i>bint labun</i> (unta yang berumur 2 tahun, masuk tahun ke 3) 4. 20 ekor unta <i>ibn labun</i> (unta yang berumur 2 tahun, masuk tahun ke 3) 5. 20 ekor unta <i>bint makhad</i> (unta yang berumur 1 tahun, masuk tahun ke 2)

Sumber: (Abdullah et al., 2012 - Diyat dalam Perundangan Islam)

PENUTUP

Penyusunan ibadah harta menurut hadith-hadith Rasulullah ﷺ yang disusun di dalam kitab ini bukanlah memberi maksud *exhaustive* atau *exclusive*, tetapi ia hanyalah merangkumi sebahagian daripada bentuk-bentuk ibadat harta yang dianjurkan di dalam Islam. Di sana terdapat banyak lagi hadith-hadith Rasulullah ﷺ yang boleh dikaitkan dengan ibadah harta di dalam Islam tetapi tidak dimuatkan di dalam buku ini.

Penulis amat berharap agar para pembaca dan mereka yang mempelajari kitab ini daripada penulis secara *talaqqi* dapat menghargai dan mensyukuri nikmat kurniaan harta daripada Allah ﷺ dan seterusnya menjadikan harta sebagai alat bagi mendapatkan keredaan Allah ﷺ, mengikut Sunnah RasulNya dan mendapat kedudukan dan anugerah yang tinggi di Akhirat kelak.

Jadikanlah harta sebagai nikmat yang mendekatkan diri kita kepada Allah dan RasulNya, dan bukanlah sebab kecelakaan dan kesengsaraan kita khususnya di Akhirat nanti.

وَاللّٰهُ وَلِيُّ التَّوْفِيقِ

وَصَلَّى اللّٰهُ عَلٰى سَيِّدِنَا مُحَمَّدٍ وَعَلٰى آلِهٖ وَصَحْبِهِ وَسَلَّمَ

وَالْحَمْدُ لِلّٰهِ رَبِّ الْعَالَمِينَ

IJAZAH PENGAJIAN KITAB⁶

بِسْمِ اللَّهِ الرَّحْمَنِ الرَّحِيمِ

Segala puji bagi Allah. Selawat dan salam buat Rasulullah ﷺ, ahli keluarga dan para sahabat Baginda ﷺ.

Saya mengijazahkan saudara/saudari/Tuan/Puan:

.....
bagi pembacaan dan pengajian kitab “40 Hadith Berkenaan Ibadat Harta”.

Saya juga menasihati beliau agar sentiasa berpegang dengan manhaj Ahli Sunnah dan Jama’ah yang menjadi pegangan majoriti ulama’ umat Islam sejak dahulu sehingga kini. Dan saya berpesan agar beliau tidak melupai saya serta ibu dapa dan guru-guru saya di dalam doa-doa beliau.

Yang benar,

.....
al-Faqir ila Allah al-Ghani al-Hamid/ Khuwaydim wa Talib al-‘Ilm

Abdullaah Bin Jalil Bin Omar (غفر الله له ولوالديه)

Tarikh:

⁶ Buat mereka yang menghadiri majlis pengajian secara *talaqqi* bersama penulis.

BIBLOGRAFI

'Abd Ibn Humayd (249H). *Musnad 'Abd Ibn Humayd*. al-Qahirah: Maktabat al-Sunnah.

Abdullah, Muhammad Najib, Hashim, Hasnizam, Yusof, Nabilah, Shukor, Haliza A., Chiang, Norman Zakiyy Chow Jen T, & Khan, Intan Nadia Ghulam (2012). *Diyat dalam Perundangan Islam*. Nilai: Universiti Sains Islam Malaysia (USIM).

Abu 'Awanaḥ, Ya'qub Ishaq (316H). (1998). *Mustakhraj Abi 'Awanaḥ*. Bayrut: Dar al-Ma'rifah.

Abū Dāwūd al-Ṭayālī (204H). *Musnad Abū Dāwūd al-Ṭayālī*. Misr: Dar Ḥiṣr li al-Nashr wa al-Tawzī'.

Abū Dāwud, Sulaymān al-Sijistānī (275H). (2010). *Sunan Abī Dāwud*. Bayrūt: Dār al-Kutub al-'Ilmiyyah.

Abu Nu'aym al-Asbahani (430H). (1996M/1417H). *al-Musnad al-Mustakhraj 'ala Sahih Muslim*. Bayrut: Dar al-Kutub al-'Ilmiyyah.

Abū Nu'aym al-Asbahānī (430H). (1409H). *Hilyat al-Awliyā' wa Ṭabaqāt al-Asfiyā'* (Vol. 10). Bayrut: Dar al-Kutub al-'Ilmiyyah.

Abū Ya'lā al-Mawṣilī (307H). (1992). *Musnad Abī Ya'lā al-Mawṣilī*. Dimashq - Bayrūt: al-Thaqāfah al-'Arabiyyah.

Aḥmad, Ibn Ḥanbal (241H). (1995). *al-Musnad*. 'Ammān: Mu'assasat al-Risālah.

al-Baghawi, al-Husayn Mas'ud (516H). *Sharh al-Sunnah*. Bayrut: al-Maktab al-Islami.

al-Bayhaqi, Abu Bakr Ahmad Ibn al-Husayn (458H). (1420H). *al-Madkhal ila al-Sunan al-Kubra*. al-Mamlakah al-'Arabiyyah al-Sa'udiyyah: Adwa' al-Salaf.

al-Bayhaqī, Abu Bakr Aḥmad Ibn al-Ḥusayn (458H). *Shu'ab al-Imān*. Bayrūt: Dār al-Kutub al-'Ilmiyyah.

al-Bayhaqī, Abu Bakr Aḥmad Ibn al-Ḥusayn (458H). (2000). *al-Sunan al-Kubrā*. Bayrūt: Dār al-Kutub al-'Ilmiyyah.

al-Bayhaqī, Abu Bakr Aḥmad Ibn al-Ḥusayn (458H). (2001). *Ma'rifat al-Sunan wa al-Athār*. Bayrūt: Dār al-Kutub al-'Ilmiyyah.

- al-Bazzār, Abū Bakr (292H). (1997). *al-Baḥr al-Zakhkhār bi Musnad al-Bazzār*. al-Madīnah al-Munawwarah: Maktabat al-‘Ulūm wa al-Hikam.
- al-Bukhārī, Muḥammad Ismā‘il (256H). (1999). *Ṣaḥīḥ al-Bukhārī*. al-Riyād: Dar al-Salām.
- al-Būṣīrī (840H). (1998). *Iḥāf al-Khiyarah al-Maharah bi Zawā’id al-Masānīd al-‘Asharah*. al-Riyad: al-Rushd.
- al-Dārimī, ‘Abdullāh ‘Abdurrahmān (255H). (2000). *Sunan al-Dārimī*. al-Mamlakah al-‘Arabiyyah al-Sa‘ūdiyyah: Dār al-Mughnī li al-Nashr wa al-Tawzī’.
- al-Dāruquṭnī, ‘Alī ‘Umar (385H). (2004). *Sunan al-Dāruquṭnī*. Bayrūt: Mu‘assasat al-Risālah.
- al-Ḍiyā’ al-Maqdisī (643H). *al-Āḥādīth al-Mukhtārah*. al-Sa‘ūdiyyah: 'Abd al-Malik Dahish.
- al-Ḥakim, Ibn al-Bayyīn al-Naysabūrī (405H). (1990). *al-Mustadrak ‘alā al-Ṣaḥīhayn*. Bayrūt: Dār al-Kutub al-‘Ilmiyyah.
- al-Haythamī, Nūr al-Dīn (807H). (1979). *Kashf al-Astār ‘an Zawā’id al-Bazzār*. Bayrūt: Mu‘assasat al-Risālah.
- al-Khatib al-Baghdadi, Ahmad 'Ali (463H). (2001). *Tarikh Bagdad*. Beirut: al-Gharb al-Islami.
- al-Marwazi, al-Husayn Harb (246H). *al-Birr wa al-Silah*. al-Riyad: Dar al-Watan.
- al-Mizzi, Yusuf (742H). (2002). *Tahdhīb al-Kamal*. Beirut: Mu‘assasat al-Risalah.
- al-Nasā’ī, Aḥmad Shu‘ayb (303H). (1986). *al-Sunan al-Kubrā*. Bayrūt: Dār al-Kutub al-‘Ilmiyyah.
- al-Nasā’ī, Aḥmad Shu‘ayb (303H). (1986). *al-Sunan al-Sughrā / al-Mujtabā min al-Sunan*. Ḥalab: Maktab al-Matbū‘at al-Islāmiyyah.
- al-Nawawi, Yahya Sharaf (676H). (1999). *al-Minhaj: Sharh sahih Muslim Ibn al-Hajjaj*. Beirut: Dar al-Ma‘rifah.
- al-Rūyānī, Abū Bakr (307H). (1416H). *Musnad al-Rūyānī*. al-Qāhirah: Mu‘assasat Qurṭubah.
- al-Shihāb al-Quḍā’ī (454H). (1986). *Musnad al-Shihāb*. Beirut: al-Risalah.

- al-Tabarānī, Sulaymān Aḥmad (360H). *al-Mu'jam al-Awsat*. al-Mawsil: Maktabat al-'Ulūm wa al-Hikam.
- al-Tabarānī, Sulaymān Aḥmad (360H). *al-Mu'jam al-Kabīr*. al-Mawṣil: Maktabat al-'Ulūm wa al-Hikam.
- al-Tabarānī, Sulaymān Aḥmad (360H). *Musnad al-Shāmiyyīn*. Bayrūt: Mu'assasat al-Risālah.
- al-Tahawi (321H). *Sharh Ma'ani al-Athar*. Beirut: Dar al-Kutub al-'Ilmiyyah.
- al-Tirmidhī, Muḥammad 'Isā (279H). *al-Jāmi' al-Kabīr (Sunan al-Tirmidhī)*. al-Riyāḍ: Maktabat al-Ma'ārif li al-Nashr wa al-Tawzī'.
- Ibn 'Abd al-Barr, Yusuf Abdullah (463H). *al-Tamhid*. al-Maghrib: Wizarat 'Umum al-Awqaf wa al-Shu'un al-Islamiyyah.
- Ibn 'Abd al-Barr, Yusuf Abdullah (463H). (1993). *al-Istidhkar*. Beirut: Dar al-Kutub al-'Ilmiyyah.
- Ibn Abi al-Dunya (281H). *al-'Iyal*. Misr: Dar Ibn al-Qayyim.
- Ibn al-Jawzi, Abdurrahman Ali (597H). (1996). *al-Birr wa al-Silah*. Misr: al-Kutub al-Thaqafiyyah.
- Ibn 'Asākir, Ali Hasan (571H). (1998). *Tārīkh Dimashq*. Beirut: Dar al-Fikr.
- Ibn Ḥajar al-'Asqalānī, Ahmad 'Alī (852H). (1998). *al-Maṭālib al-'Āliyah bi Zawā'id al-Masānid al-Thamāniyah*. al-'Āsimah al-Ghayth: al-Mamlakah al-'Arabiyyah al-Sa'ūdiyyah.
- Ibn Hazm al-Zahiri (456H). *al-Muhalla bi al-Athar*. Beirut: Dar al-Fikr.
- Ibn Ḥibbān, Muḥammad (354H). (1993). *Ṣaḥīḥ Ibn Ḥibbān*. Bayrūt: Mu'assasat al-Risālah.
- Ibn Khuzaymah (311H). *Ṣaḥīḥ Ibn Khuzaymah*. Beirut: al-Maktab al-Islami.
- Ibn Mājah, Muḥammad Yazīd Qazwīnī (273H). (2010). *Sunan Ibn Mājah*: Dār Ihyā' al-Kutub al-'Arabiyyah.
- Ibn Qudamah al-Maqdisi, Abdullah Ahmad (620H). (1968). *al-Mughni*. al-Qahirah: Maktabat al-Qahirah.
- Ibn Quṭlūbaghā al-Sūdūnī al-Ḥanafī, Zayn al-Din Qasim al-Jamali (879H). *Musnad 'Uqbah Ibn 'Āmir*: Jawami' al-Kalim.
- Ibn Wahb, Abdullah (197H). *al-Jami' fī al-Hadīth*. al-Riyad: Dar Ibn al-Jawzi.

Malik, Ibn Anas al-Madani (179H). *al-Muwatta' - Riwayat Yahya al-Laythi*. Misr: Dar al-Sha'b.

Malik, Ibn Anas al-Madani (179H). (1998). *al-Mudawwanah al-Kubra*. Bayrut: Dar al-Fikr.

Muslim, Ibn al-Hajjāj (261H). *al-Jami' al-Sahih / Sahih Muslim*. Bayrut: Dar Ihya' al-Turath al'Arabi.


Muslim, Ibn al-Hajjāj (261H). (2006). *al-Jāmi‘ al-Ṣaḥīḥ / Ṣaḥīḥ Muslim*. al-Riyād: Dār Taybah.

LAMPIRAN I: DOA [NAZAM] PENUTUP MAJLIS

ILMU

بِأَنَّا أَقْتَرْفَنَا	يَا رَبَّنَا اعْتَرْفَنَا
عَلَى لَظَى أَشْرَفَنَا	وَأَنَّا أَسْرَفَنَا
تَغْسِيلٌ لِكُلِّ حَوْبَةٍ	فَتْبُ عَلَيْنَا تَوْبَةٍ
وَآمِنٌ الرَّوْعَاتِ	وَاسْتُرْ لَنَا الْعَوَرَاتِ
رَبٌّ وَمَوْلُودِنَا	وَاغْفِرْ لِوَالِدِينَا
وَسَائِرِ الْخَلَّانِ	وَالْأَلِ (وَالْأَنْلِ) وَالْإِخْوَانِ
أَوْ حِيرَةٍ أَوْ صُحْبَةٍ	وَكُلُّ ذِي مَحَبَّةٍ
آمِينَ رَبٌّ اسْمَعْ	وَالْمُسْلِمِينَ أَجْمَعْ
لَا يَأْكُتِسَابٍ مِنَّا	فَضْلًا وَجُودًا مِنَّا
نَحْظَى بِكُلِّ سُوْلِ	بِالْمُصْطَفَى الرَّسُولِ
عَلَيْهِ عَدَّ الْحَبَّ	صَلَّى وَسَلَّمَ رَبِّي
عِدَادَ طَشَ السُّحْبِ	وَآلِهِ وَالصَّاحِبِ
فِي الْبُدْءِ وَالتَّنَاهِيِّ	وَالْحَمْدُ لِلَّهِ

[Bekal Akhirat – Sheikh Ahmad Fahmi Zamzam al-Banjari al-Nadwi al-Maliki]





Abdullaah Jalil

- Pensyarah Kanan. Fakulti Ekonomi dan Muamalat (FEM), Universiti Sains Islam Malaysia (USIM)

Pendidikan

- 1993-1995: Sekolah Menengah Agama Kerajaan Johor, Kluang. PMR & SRA (*Mumtāz*)
- 1996-1997: Kolej Islam Sultan Alam Shah. SPM & SKK (*Mumtāz*).
- 2001: Sarjana Muda Shariah (Fiqh dan Pengajian Islam), Universiti Yarmouk, Irbid, Jordan. (Kelas Pertama / *Mumtāz*).
- 2004: MBA (Perbankan dan Kewangan Islam), Universiti Islam Antarabangsa Malaysia, Gombak. – (Anugerah Pelajar Terbaik Program).
- 2019: PhD Kewangan Islam, INCEIF, Kuala Lumpur.

Industri

- Pengerusi Jawatankuasa Syariah, Prudential BSN Takaful
- Ahli Jawatankuasa Syariah, Bank Rakyat.
- Ahli Jawatankuasa Panel Syariah (JPS) USIM
- Ahli Jawatankuasa Syariah, Koperasi Kakitangan USIM
- Ahli Panel Penyelidik Fatwa Negeri Sembilan
- Anugerah “Friends of the Police” 2012
- Ahli Panel Deradikalisisasi, Kementerian Dalam Negeri (KDN)
- Pakar Rujuk Bagi Kes-kes Keganasan Yang Disiasat Di Bawah Akta Kesalahan Keselamatan (Langkah-langkah Khas) 2012 (KDN)

WISDOM
PUBLICATION